


部叢書第三集第三十四編

秘軍港



商務印書館印行

商 務 印 書 館 發 行

明 季 稗 史 初 編

六 册 六 角

此書原名明季稗史彙編。都凡十六種。共二十七卷。專載明季時事。詳悉靡遺。且是書久已膾炙人口。本館特取原書精校加圈付印。與坊間本大不相同。購閱諸君。諒必極意歡迎也。

明 季 稗 史 續 編

三 册 四 角

是書凡六種。(一)明季遺聞。敘明末流寇擾亂。思宗殉國。以及福唐桂諸王偏安事。(二)明季實錄。專採弘光雜事。及燕京殉難從逆諸臣姓名考略。(三)蜀難敘略。敘張獻忠陷蜀。及蜀中各郡被兵事。(四)記福王之立。敘述南都擁立。虜主偷安。及文武水火事。(五)東林事略。(六)東林雜事。本末。皆痛論黨禍始末。以上各種。於明末遺聞軼事。蒐采無遺。洵足補正史之缺。

最 有 興 趣 之 小 說

林

說

每集二角

小說月報出版以來。蒙大雅不棄。風行一時。其中短篇小說。標新領異。尤承社會歡迎。茲特將一二三。年月報中短篇一百餘種。彙刻成集。名爲說林。以便愛讀諸君之流覽。茶餘飯後。極良好之消遣品也。

陸續出版

商 務 印 書 館 發 行

中華民國六年八月初版

(秘密軍港一册)

(每册定價大洋叁角)

(外埠酌加運費匯費)

編譯者 南通張逢辰

校訂者 武進冷風

發行者 商務印書館

印刷所 上海北河南路北首寶山路 商務印書館

總發行所 上海棋盤街中市 商務印書館

分售處 北京天津保定奉天吉林長春龍江濟南 東昌太原開封洛陽西安南京杭州蘭州 吳興安慶蕪湖南昌九江漢口武昌長沙

商務印書館

重慶常德衡州成都重慶瀘縣達縣梧州 廈門廣州潮州汕頭香港桂林梧州 雲南貴陽石家莊哈爾濱新加坡

此書有著作權翻印必究

秘密軍港目錄

第一章 奇謀

第二章 劫箱

第三章 炸橋

第四章 秘港

第五章 海線

第六章 水簾洞

第七章 毒彈

第八章 探光銃

第九章 活繩

第十章 電光攝影

第十一章 電席

秘密軍港 目錄

第十二章 破敵

秘密軍港

第一章 奇謀

距烏藩克雷格鬪處不遠。有一峽突入海中。亂石參差。出沒水際。當克雷失蹤之翌日。峽外波紋橫亙。露一細桿。徐徐上升。繼則現一圓筒。此何物歟。蓋即潛艇之艙門。桿則望遠鏡。既而艙門徐啓。有人以手向外摸索。旋露其面。引口四矚。白艙躍出。取救命圈加之於身。俯向艙中人曰。吾行矣。得有消息。吾當報汝。言時微有外國語音。於是躍入海中。泅水就岸。自振其沾衣之水。狀類雙棲之獸。自海登陸。岸上停有一速力最強之汽車。車夫當輪而坐。中坐一人。方目注於海。見有人登岸。指謂車夫曰。來矣。趣迎之。車夫乃催車如矢。直至來者之前而止。車中人急自車下。授以溫厚之衣帽。皆默不一語。來者急著衣入車。車疾行向城而去。是處平日本寂。無人烟。今則忽有一漁父老而且憊。鬚類瘡鼠。巾圍其項。面之下。

部。盡爲所掩。着革製之衣冠舊式之靴口銜菸管坐石磯上。當發現潛艇時。彼已見之。卽躍至岸傍。伏巨石後竊窺。迨汽車行入大道。彼乃起立極目而望。似欲值其所往之途。旋即轉入林叢中之茅屋。距屋不遠。有一小摩托車停焉。漁父向車夫頷首曰。吾卽行矣。言已。趨入屋中。車夫卽以車詣門。約一分鐘。漁父出。已易服作紳士裝束。飾燕尾鬚。戴金緣眼鏡。登車時。謂車夫曰。速隨前車而行。車夫卽問道。駛至大路。前車猶在望。力尾之。

所尾之泅海者。果何人乎。實外國之密使達耳摩也。彼自海濱乘汽車直抵紐約市之賴科斯特旅館。入門簽名後。卽登樓更衣。此時海濱茅屋中之老紳士已抵旅館門外。俟達耳摩登樓。急趨簽名處。揭視客簿。見有客名莫秀士達耳摩者。偕其僕居五百二十號室。彼記入懷中之簿。悄然返其所居之黑黎王旅館。達耳摩則在室中。與二客相晤。客皆警服。達耳摩正色謂曰。吾輩此去須慎重。勿啟人疑。烏藩之黨已受吾命。於半小時內前往。當僞捕之。二人頷首。達耳摩卽偕二人出。

登來時所乘之車甫行而老紳士至矣。逕登樓入達耳摩之室。侍者告以主人他出。老人立而沈吟脫帽拭塵帽忽墜地。侍者爲之俯拾。老人突起按之足蹴門閉。侍者方欲號呼。彼以巾蒙其鼻。卽不能聲。蓋此巾瀆有麻醉藥也。老人細檢室中之物。見案頭有一紙。視之作滿意狀。藏之於囊。復揭侍者面上之巾。縛以繩。始從容下樓登車而去。又恐車夫得其蹤跡。行未遠卽舍車而步。先向劇場。繼乃抄捷徑返黑黎王旅館。入室鍵門。室中什物幾滿。彼則當案而坐。先以巾自掩口鼻。繼取一彈細心取出。彈中之火藥而以白色粉末納入其中。封以紙。置連環手銃之彈房內。更製多枚如手銃中所裝實彈之數。半小時後。又信步而出。

吾更叙伊蘭事矣。吾於克雷失蹤後恍惚如夢。竟不知以何法排憂。每入臥室及試驗室。睹物思人。惟有太息。雖強振精神。從事報社。亦覺索然。伊蘭尤憂悶不堪。言喻是日。吾往造伊蘭入門。逕至圖書室。伊蘭方背門而坐。呆視克雷之肖像。竟不知吾至。其旁吾則以兄自居。自後輕拍其肩。伊蘭驚而回顧。見爲余。急問曰。君

得。克。雷。之。消。息。乎。吾。淒。然。搖。首。彼。卽。長。嘆。而。立。偕。吾。入。園。閒。步。花。間。且。行。且。語。忽。見。有。人。持。一。書。自。大。門。入。問。曰。此。卽。陶。糾。姑。娘。乎。伊。蘭。疑。爲。克。雷。之。訊。急。答。曰。然。彼。乃。向。之。鞠。躬。以。書。授。之。伊。蘭。發。函。讀。其。文。曰。

陶糾女士鑒。持書來者。爲密探裨賴君。將詢問克雷失蹤。及魚雷被竊事。乞詳告之。

美國密探包特倫茅爾耕啓

伊蘭閱畢。來者卽與之絮語。後此方知來者卽前在海軍部會議處窗外。爲女速記員傳遞魚雷模型者。更有二人在牆外。向內竊視。此時伊蘭固不之知。余亦未悉。祇以裨賴向伊蘭喋喋不已。頗疑其人。卽趨謂曰。乞君見諒。容吾與陶糾姑娘略談。裨賴雖向吾鞠躬狀。實不懌。吾卽邀伊蘭至旁。告以所疑。伊蘭領首曰。吾意亦然。當自加慎。言已。復就裨賴。裨賴又向伊蘭絮問。所問皆魚雷模型失竊事。伊蘭審慎答之。條聞喧呶聲。起於牆外。似互鬪者。蓋達耳摩至牆外矣。彼以車行至陶糾宅後。遙見花園牆外。有二人向內而望。面有怒色。達耳摩卽遙指以示回來。

之二人低語曰。若輩在此矣。二人飛奔而前。與牆外之二人鬪。一人已就捕。又一人則踰垣入。吾輩在花園見之。頗以爲駭。踰垣者謂裨賴曰。若輩追蹤至矣。其人聞言。卽出手銃。方欲逃遁。忽有偉丈夫偕一警士踰垣飛奔而來。警士以棍撻後來之人。仆偉丈夫卽躍至裨賴前。乘其不備。奪其銃。加以手械。吾與伊蘭對此情形。茫然不解。二人既就捕。吾乃趨向偉丈夫問焉。偉丈夫取名刺授我。吾閱之。始知彼名達耳摩。密探稽察員也。時則又有一警士自外挈一囚至。達耳摩指謂吾輩曰。此爲外國之諜。吾奉政府命捕之。伊蘭示以茅爾耕之訊。問曰。此胡來者。達耳摩審視一過。答曰。僞也。卽顧警士曰。若輩爲問諜無疑。卽下於獄。警士挈囚出。達耳摩顧伊蘭曰。能以若輩來此之舉。動告我乎。伊蘭曰。可。遂邀入圖書室。伊蘭略述裨賴來時狀況。旋問達耳摩曰。君知勘納第君之消息乎。達耳摩曰。彼爲吾道中之偉人。頗願得其蹤跡。但現爲職務所羈。須先覓得魚雷模型。方有餘暇。及此。旣而達耳摩告別。吾以彼爲和藹可親。謂曰。君赴市杪。吾可與偕。達耳摩曰。倘

能同行甚樂。吾卽偕之出。同至通衢。彼在途健談不倦。行至賴科斯脫旅館左近。彼乃止步。與余握別。且訂復見之期。余未及答。聞後有嗽聲。急回首。則一老紳士。貌頗倜儻。穿人叢而來。忽觸物仆於吾旁。吾扶之起。彼納一物於吾手。吾頗以爲疑。而此老人則立而喘息。向吾與達耳摩道謝。踉蹌而去。達耳摩復與吾握別。吾俟達耳摩去後。自視手中。老人所與之物。則一紙團。展視之。有鉛書之字。文曰。小心爲備。吾不知命意何在。不覺大驚。

達耳摩旣入旅館。其前同行之二人已俟於接待室。相將登樓。啟室門。見侍者被縛臥地。駭極。同行之二人爲之釋縛。達耳摩卽向其僕問故。僕委頓起立。喘息告之。達耳摩陡憶頃有老人仆於其旁。必與此有涉。乃復偕二件登車。赴陶糾宅。旣至。令二件遠至屋後伺守。彼獨入。

吾自得老人警告後。自念克雷今旣失蹤。則伊蘭與約瑟芬。皆須吾爲之保護。乃復造伊蘭。方在圖書室坐談。而伊蘭之犬。斐士鐵。忽脫其所繫之索。躍入室中。伊

蘭。撫。而。弄。之。達。耳。摩。忽。至。向。吾。輩。鞠。躬。曰。君。等。亦。知。克。雷。所。失。之。魚。雷。模。型。在。此。宅。乎。吾。恐。外。國。間。諜。復。來。當。先。覓。之。并。命。親。信。之。人。在。宅。外。守。衛。尙。祈。鑒。諒。伊。蘭。方。取。一。絲。帶。繫。婁。士。鐵。之。項。聞。言。卽。釋。犬。弗。繫。犬。乃。乘。間。逸。至。花。房。環。梭。樹。而。行。且。行。且。嗅。旋。以。爪。爬。梭。樹。盆。中。之。土。竟。發。見。一。物。卽。魚。雷。模。型。也。是。蓋。匪。黨。自。池。中。竊。得。潛。裹。以。巾。瘞。於。此。者。

伊。蘭。與。達。耳。摩。言。時。偶。俯。首。視。犬。見。犬。已。他。逸。呼。之。不。見。卽。向。客。道。歎。自。往。尋。覓。且。行。且。喚。從。前。伊。蘭。曾。因。婁。士。鐵。爬。土。撻。之。此。時。犬。聞。主。人。聲。唯。恐。更。爲。所。撻。卽。口。銜。模。型。曳。尾。狂。奔。而。出。模。型。之。推。行。機。被。嚙。而。墜。於。梭。樹。之。旁。犬。奔。至。退。休。室。外。以。首。撞。門。不。得。啓。復。奔。入。閣。樓。之。箱。後。婁。士。鐵。有。一。習。慣。每。至。不。得。已。時。卽。逃。於。此。此。處。藏。有。肉。骨。及。其。他。食。物。是。時。亦。以。所。銜。之。模。型。投。入。其。中。

當。伊。蘭。入。花。房。覓。犬。時。達。耳。摩。亦。遙。隨。其。後。見。伊。蘭。在。梭。樹。旁。俯。身。四。覓。疑。焉。卽。追。蹤。而。至。瞥。見。有。泥。污。之。巾。及。模。型。之。推。行。機。在。地。潛。拾。之。起。默。忖。曰。豈。模。型。已。

爲彼女所得耶。

伊蘭旣不得犬，乃復出。婁士鐵聞主人之呼，亦下樓而來。伊蘭以帶繫其項，并詈其頑。達耳摩卽以雙關之語問曰：姑娘畢竟得耶？問時，目注其面。伊蘭坦然答曰：然。言時，初無可異之色。達耳摩仍不能無疑。

達耳摩之黨人，方在室外草地探望。久之，一人低語曰：注意，有人來矣。二人乃同匿暗陬，藉牆外路燈之光，見一老紳，士逾邇而來。至花房之門而止，向內窺視。二人卽蛇行而進，躡足尾之。旣而老人步入花房，以目四顧，旋卽俯身，椶樹之旁，卽犬爬見魚雷處，方詳細審視。忽有人自後躍出，銃擬其面，叱令舉手。老人從之一手，仍持杖弗釋。俟持銃者近前，突以杖擊之。仆銃亦墜地。其後之人急躍而進，握其杖。老人力拔出一細長之鋼刺，達耳摩黨人則手持其鞘，相與格鬪。老人奮力撥鞘，落創其人。仆地穿椶樹之叢而逸。先仆者起而追之。老人狂走，舉椅毀花房中之玻璃窗而已。則潛伏隱處，追者以爲老人毀窗出，亦踰窗而追。老人俟追者

至窗外潛向來路而行。

吾與約瑟芬在圖書室聞格鬪聲。自花房出。卽偕約瑟芬奔往。未至。又聞玻璃窗被毀聲。伊蘭與達耳摩在廳事前。亦聞聲驚異。但不知聲從何來。急入圖書室。見室中有一短小精悍之老人。遶屋而走。彼蓋自花房入。且隨手鍵門矣。老人見達耳摩。立出其銃。達耳摩亦然。老人彈先發。中達耳摩。後之壁條卽煙迷。一室達耳摩口鼻受煙。暈而倒地。伊蘭繼之。

吾與約瑟芬奔往花房。見達耳摩之黨。方奔向圖書室。吾與約瑟芬卽偕之返。時則全宅皆騷動。堅寧與瑪麗亦下樓呼救。向圖書室而奔。室中之老人。方目注達耳摩與伊蘭之面。聞聲急鍵休息室之門。余與達耳摩之黨。則向圖書室之後門力攻。彼欲破扉入。吾曰。但四面圍之足矣。吾言已。卽趨往他門。爲守。老人在室中。聞吾言。知不得脫。卽反著外衣。外衣之內面與堅寧之服相同。蓋預製以備不虞者。閱數秒鐘。老人已作堅寧之裝束。取案頭花瓶中之玫瑰一朵。置於伊蘭之手。

更自除假鬚。假髮步至後門。卽達耳摩黨人力攻處。逕啓戶而出。以倉皇之態。指達耳摩與伊蘭謂衆曰。吾等將何以處之。達耳摩黨人誤以爲宅中之僕。卽任其出而不疑。老人又在暗陬易服。悄然出門。登車逕去。

少頃。吾亦與約瑟芬自他門入。堅寧瑪麗則自退休室之門進。見達耳摩與伊蘭倒地。卽移達耳摩臥於輦榻。移時始醒。伊蘭神識本稍清。卽坐之於安樂椅。不久已清醒如常。吾問曰。汝自覺如何。伊蘭微笑。愈形其媚。忽見手中之花。問吾曰。花從何來。君以此置吾手耶。余向之搖首。彼頗詫爲異。持花呆視不已。此短小精悍之老人誰耶。已飄然而去矣。吾則甚望其爲克雷君。

第二章 刼箱

伊蘭雖深信克雷不死。然不得其蹤跡所在。終鬱鬱不歡。亟欲移居康耐肯吉海濱之別業。不獨避暑。亦以排憂。繼又欲於移居之前。開一化裝跳舞會。擇期七月一日。卽與約瑟芬同繕肅客之柬。蓋百無聊賴之中。藉此以消長晝。是時吾適至。

坐於案旁。偶翻閱其所書之柬帖。則達耳摩亦與焉。吾持柬夷猶久之。謂伊蘭曰。吾頗不喜其人。伊蘭向吾而笑。奪柬於吾手。雜羣東中曰。華邇德胡多疑耶。吾遂不便復阻。

七月一日之晚。燈火已明。某通衢中之餐館。有二人並坐。一卽海軍部之女速記員。一卽裨賴。曾冒充密探者。彼黨舉動極祕。甚或同在黨中晤面。竟不相識。至其互通消息之法。則甚奇。

時則裨賴移去菜碟。碟下忽現一短柬。竟不知何時何人置此。乃避人竊讀。低語女速記員曰。此最近之命令。謂魚雷模型。實在陶糾宅中之某處。命吾輩今夜往赴化裝跳舞會。乘間覓之女。曰妙哉。必竭吾力焉。可卽往購衣裝矣。裨賴乃付酒值。偕女匆匆而出。

是日伊蘭苦憶克雷。呆視肖像。感嘆靡已。明知傳聞之說。無一可憑。然悲從中來。淚已奪眶而出。旋亦強自慰藉。以爲不久必能晤面。但纏綿哀怨。實有揮之不去。

者。惟。以。會。幕。將。開。不。得。已。而。臨。粧。鏡。瑪。麗。即。取。一。極。華。麗。之。服。爲。彼。著。之。約。瑟。芬。已。飾。爲。華。盛。頓。瑪。查。狀。入。問。伊。蘭。曰。裝。竟。乎。伊。蘭。答。曰。瞬。將。畢。矣。

吾亦在家喬粧爲彭彭狀。狀如劇場之丑角。對鏡自觀。頗堪發噱。然樂趣甫生。悲觀。倏。起。以。爲。克。雷。倘。不。失。蹤。今。夕。當。同。赴。茲。會。吾。二。人。聯。袂。而。往。其。樂。何。如。今。已。矣。大。凡。吾。人。愉。懷。故。友。平。時。或。可。忘。情。泊。乎。身。入。歡。場。則。回。首。當。年。頓。覺。淒。然。欲。絕。此。固。人。情。之。常。吾。此。時。惟。強。制。其。悲。取。白。面。具。戴。之。并。於。異。樣。服。裝。上。加。一。寬。博。之。外。衣。鼓。興。登。車。而。往。比。至。來。賓。已。麇。集。車。水。馬。龍。羣。聚。門。外。吾。入。會。場。見。布。置。華。麗。彷彿置身圖畫。伊蘭雖已喬粧。然不能逃吾目。彼方與一人談話。其人碩身而朱衣。飾米飛思特狀。吾視之。似非良士。樂聲既作。伊蘭與彼皆步入人叢。無何。有一戴半假面之少女。就吾周旋。彼似有一種魔力。吾則不爲所動。方吾與彼行至門次。見堅寧方招待後至之賓。有一峨冠灰色服之教士。入吾此時亦弗注意。仍與彼女在草地中。且行且語。步至花房左近。見伊蘭仍與朱衣者談笑於樓。

樹之間。吾偶一回首。則峨冠教士亦躑躅花房外。舉趾頗輕。遊目四顧。若有所覓。時則伊蘭已與朱衣者並坐綠陰下。朱衣者先言曰。爾非陶糾姑娘乎。伊蘭笑曰。爾竟識我耶。爾爲誰。朱衣者自揭面具。則達耳摩也。伊蘭不覺微震。達耳摩笑曰。料爾決不知爲吾之喬粧。伊蘭亦笑曰。然。達耳摩曰。爾已有屬意之人。與之跳舞耶。伊蘭曰。無之。達耳摩曰。然則盍與吾偕。言次。移身近伊蘭而坐。伊蘭似怪其唐突。答曰。否。否。請恕我。卽起赴會場。峨冠教士聞之。其假面上現一笑容。是時吾與彼女亦同向會場而行。伊蘭適行過吾前。彼是否識我。不得而知。但聞彼自語曰。雅之於俗。吾思其意。蓋謂吾之女伴與吾跳舞爲不稱耳。吾之女伴聞伊蘭語。注目視之。卽離吾向花房而去。吾乃與伊蘭跳舞。

達耳摩聞伊蘭言。已覺不懌。又見其翩然而去。更爲詫愕。起身隨之。未數武。遇一作墨西哥裝束者。卽裨賴也。乃止步。示以手勢。潛取一小包。授於其手。裨賴卽反身而行。然已爲峨冠教士所見。潛尾其後。時則戴假半面之女郎亦至花房外。見

無人在側。向達耳摩。低聲問進行之法。達耳摩命其隨侍左右。女領首。卽同離花房。後先而行。以避人目。未幾。裨賴已登樓。人伊蘭之室。室中燈光甚微。探首四顧。闐無人焉。乃入內閉門。更入複室。室有一保險箱。嵌入壁內。彼俯身啓達耳摩所授之小包。出一異形之器。器內有乾電池。更有器作扁平式者。與電話傳達器略同。是爲顯微音器。有金類絲數條。連綴於其首部。之聽聲筒。頗似無線電之偵探機。彼裝置畢。卽手持顯微音器。更以聯屬於器之百合匙。投入保險箱之鎖孔。徐徐旋轉。撥動箱中之鎖鎖之機關。旣轉至正確之點。鎖中發條作微聲。聲極細。雖非耳所能辨。然顯微音器則能傳之。當彼持筒傾聽時。峨冠教士躡足輕啓室之後門。而入伏於木製之巨鐘後。潛窺彼之所爲。旣而保險箱之門已開。裨賴急翻閱箱中之物。自語曰。又誤矣。彼固未嘗置於此也。甫閉箱門。而達耳摩與半面裝之女同至。裨賴迎謂之曰。箱已啓矣。但未覓得言至此。忽聞有人叱令舉手。衆回顧。見峨冠教士操銃立其後。叱令三人排立。先揭女之面具視之。叱曰。原來汝耶。

繼復舉手揭裨賴之面具。裨賴躍起，猛撲達耳摩助。之時，則樓下忽有人聲。裨賴與女皆驚遁。教士則緊持達耳摩弗釋。

吾與伊蘭跳舞後，伊蘭又與他客周旋。吾於廳事旁，復遇半面裝之女。微斥之曰：「汝奈何離吾他往？」女支吾曰：「爾離吾耳，爾能爲吾取冰來，吾必恕爾。」吾卽如其言，爲之取冰。比吾取冰至，而女已不見。蓋已隨達耳摩登樓矣。少頃，吾又見其形色倉皇，偕作墨西哥裝者，自樓而下。吾持冰趨前，彼竟不顧而去。吾頗異之，乃取冰自飲。旣而伊蘭偕一西班牙之少年，至吾前笑曰：「華邇德，吾覺汝不得，乃在此耶？」更回顧少年曰：「請君恕我，容吾與彭彭。」彭彭以華邇德飾略談少年卽鞠躬而退。伊蘭自揭面具，問吾曰：「爾何一人在此？」天何熱耶？其時吾方背樓梯而立，未及作答。聞有人自樓下在吾耳畔低語曰：「伊蘭之妝閣，吾回視則峨冠教士也。吾欲問之，而彼已去。甚以爲異，不覺自語曰：『奇極！伊蘭問故，吾告之。急偕伊蘭登樓入室，則諸物凌亂，詣案見有玫瑰花一枝，花下置一紙片，伊蘭指以示吾曰：『視之。』吾乃移花。」

而視紙有鉛書之字。文曰：誠實之友亦竊啓保險箱。乎此紙除哲梅生外勿爲他人見之。吾閱畢不知何意。伊蘭急推複室之門。視其保險箱。瞥見達耳摩手足被縛。口爲棉所塞。倒於箱前。吾與伊蘭皆駭絕。伊蘭急囑吾取案頭之翦。斷其縛。達耳摩委頓而起。伊蘭問其被縛之由。達耳摩雖吐去口中之物。喉仍作噲。少頃始言曰：吾見外國諜者在此啓箱。吾將捕之。願力不能敵。反爲所縛。伊蘭方欲以花下之短簡與達耳摩一觀。陡憶柬中有勿爲他人見之一語。卽揉紙成團。置衣囊中。後此始知裨賴與半面粧之女偕遁。後達耳摩卽爲教士所縛。教士更就案書一短柬。取瓶中花覆之而去。當時吾輩則百思而不知其故。

明日有一女郎曰培夙爾。卽化粧跳舞會。作半面粧者。自車而下。求見伊蘭。堅寧導入圖書室。伊蘭固不識之。彼取一書呈閱。伊蘭啓視。則達耳摩之書也。略謂聞有外國諜者將復來竊。覓魚雷模型。特命培夙爾姑娘詣前爲備。并供使令。伊蘭閱畢。見此女風貌頗佳。頗悅之。卽留之於宅。是日下午。伊蘭將赴海濱之別業。命

培夙爾偕瑪麗檢點行囊。將複室中所有之衣。取至閣樓。裝之於箱。再命運夫運往。培夙爾已偕瑪麗往返數次。最後彼一人獨往。見有同樣之箱二。皆待裝者。彼隨手拽一箱。近前箱上貼有一紙。上書伊蘭之名。時則箱屨俱滿。裝衣服置地板。上彼不置屨箱中。而四面張望。蓋其意實欲乘間覓得魚雷模型也。適婁士鐵於此時。至閣樓。箱後銜模型出瞥。爲培夙爾所見。如獲異寶。卽趨前奪之。於手忽聞有人自樓梯而上。大驚。亟欲將模型藏匿倉皇中。卽塞入箱。屨取外衣覆其上。以便識別而來者。已入則伊蘭也。入卽問曰。箱裝畢否。培夙爾應曰。然。伊蘭命卽呼運夫來。培夙爾不得不下樓呼之。惟默識此屨所置處。與書名之箱最近。彼下樓後。伊蘭自舉箱。屨置於書名之箱。而以藏有模型之屨置於最上層。卽掩箱蓋。但嫌太高。見其旁尙有一屨。衣較少。乃取箱中之屨出。而以彼屨易之。更以取出之屨置另一箱中。裝畢。卽加鍵焉。培夙爾已偕運夫至伊蘭。指書名之箱曰。攜此去。培夙爾急曰。尙須納物。其中伊蘭曰。可納人他箱。培夙爾不能復阻。但默誌此箱。

而已。

是日薄暮。有人入一廉價之餐館。其人卽裨賴。入屋向座中一女耶點首。女郎卽培夙爾。彼在伊蘭前。託詞請假二小時。來集於此。裨賴就其旁而坐。時則有一多髯之客。立於餐館外。似無所注意。迨裨賴入使卽步。入間壁之室坐焉。二室祇隔一板。彼乃引帽覆面。傾耳而聽。但聞裨賴微語曰。有所得乎。女曰。模型已入吾手。復詳告顛末。最後乃曰。此物在一標有陶糾伊蘭字樣之箱。多髯之客備聞其語。俟裨賴偕女出。卽竊隨其後。見裨賴與女作別。復與之耳語。聲不可聞。但聞女答曰。唯當卽以電話告之。言已卽行。而多髯者尾之。女趨一肆。借用肆中之電話。髯者搖立而聽。以相距稍遠。不辨其作何語。惟聞呼達耳摩而已。然髯者似已臆度得之。女亦旋出。髯者乃與之背道而行。

有頃。達耳摩戴使帽。御辟塵外衣。自旅館乘汽車出。蓋得培夙爾電話後。既授其黨以計。更親往也。車甫行。而髯者已乘電氣足踏車竊從其後。髯者戴極巨眼鏡。

其面幾爲所掩。達耳摩之車向鄉僻疾行。每至歧路。髯者之足踏車輒略停。以覘其所向。繼又疾馳弗止。

開往康耐肯吉之火車。其發軔之站曰達忠。時則火車將發。乘客往來如蟻。裨賴混迹人叢。潛下月台。至行李車前。竊窺運夫運物。久之始見一箱標有陶糾伊蘭字樣。運入車中。彼向之微笑。卽繞至車後。輕啓車後之門。悄然而登。車中守者方當前門而坐。面外向。竟不之覺。

達耳摩之車行至火車鐵軌弧綫斜曲之點而止。髯者在後見之。亦下車取遠鏡向之遙望。見彼已舍車而步。乃藏足踏車。叢薄向達耳摩之車疾行時。則達耳摩之車夫方呆坐車中。忽覺其領爲冷物所觸。驚而舉首。見髯者持銃立其前。銃觸其領。叱曰勿聲。舉爾手。否則死。車夫欲奔。髯者急按銃機。未及發。已爲車夫所持。二人相扭。同仆。髯者手扼其項以防。其呼車夫竟被扼而死。髯者卽抱之置於車外。

吾更叙行李車中之裨賴矣。火車行後，守者方口銜菸斗，坐於車門飽覽沿途風景。裨賴則伏於箱後，不時向窗探首，迨至軌道迂曲處，車行稍緩，裨賴乃戴一黑紗面具，蛇行而出。守者微有所聞，急回身而視，裨賴向之猛撲，二人相扭倒地。裨賴雖挾有手銃，然不敢發，恐車中執事人聞聲至也。既而裨賴翻至守者之上，卽以銃柄猛擊守者，至暈乃於箱堆中拽下，標有陶糾伊蘭字樣之箱推於車下。當火車未至時，達耳摩方立曲軌左近遙望，繼見一縷之烟自遠而至，喜甚以爲必如願矣。迨火車至前，彼卽攘臂以待，果有一箱自行李車出盤旋而墜，箱頗牢固，雖墜而不損。達耳摩立奔箱前，俟車去遠，乃向所來之路撮口而呼，髯者聞之急脫眼鏡，去唇邊之假鬚，褫車夫之衣著之於身，更曳衣高擁以圍其頷，高聲答曰：來矣！急疾趨以往，時已昏夜，達耳摩竟不及辨與彼同。連此箱於車，彼卽登車坐於車夫之位，達耳摩方舉步以登，彼忽舉手猛抵其面，達耳摩仆入草際而暈，彼乃駕車疾行轉瞬已杳。

裨賴既推箱墜地。亟思逃遁。但此時車行雖緩。下躍仍覺其危。繼念果不逃者。危乃愈甚。而守者已有欲醒之勢。不得已乃躍而下。車爲車之速力所牽。立足不牢。直顛越於軌外。荆棘之叢。踉蹌久之。始能立定。略舒其氣。卽竭力向墜箱處而奔。瞥見達耳摩臥地。而汽車已渺。頗疑爲車夫所謀。繼見達耳摩稍稍轉側。急向之。問曰。豈爲車夫所傷耶。忽睹車夫裸死草間。不覺大震。達耳摩知又爲人所算。怒曰。必峨冠教士所爲。彼已刦箱去矣。

喬裝車夫者。疾駛其車。移時始止。卽下車取箱置地。毀鎖啓箱。盡出箱中之服。竟不得魚雷模型。不覺懊喪。

第三章 炸橋

伊蘭移居別業。吾偕約瑟芬。與之同車而往。一路風景絕佳。令人神爽。比至別業。吾輩自車而下。遙見海色山光。上與天接。槎枒之樹。蒼翠欲滴。世外仙源。不是過也。不覺立而佇望。忽見有薄笨車滿載稻草。一農夫口銜稻莖。坐於草巔。旁置一

箱馬曳車行箱與農夫皆顛動不已後隨一牧羊犬車至別業門外而止吾輩皆以爲異趨而觀之農夫以鼻作聲問曰孰爲陶糾姑娘伊蘭應曰卽吾是也農夫乃拽箱下言曰箱有姑娘之名吾從火車道旁拾得者伊蘭行裝甫卸尙不知此箱已在半途遺失頗詫爲奇吾曰必在火車中墜地者火車載物往往有此否則不必有行李保險之例矣伊蘭卽命堅寧偕園丁攜入掙酬農夫以金農夫力謝不受叱馬欲行更於籃中出林檎數枚擲吾等前揚鞭逕去忽聞有人在後言曰眞佳景也吾輩回顧則達耳摩手一卷徐步而來彼已於別業旁構一行舍四周樹木參差頗饒逸致內有一室合圖書理化室爲一頗精雅實則其中藏有密室隧道爲一完全之機關部外人不之覺耳是時達耳摩卽偕吾輩同入伊蘭且行且食林檎甫一朵頤不覺駭異林檎外雖完好中已挖空藏一紙團展而視之上有鉛書文曰凡爾之箱須盡啟視此紙閱畢卽毀一友白伊蘭駭然不知所指然不敢不信乃碎紙棄之達耳摩時雖與吾立談實留意於伊蘭之舉動見狀卽讓

吾行彼獨。殿後行至。碎紙處。故以手中書墜地。與碎紙并拾之。夾紙於書。趨與吾輩偕入伊蘭向之謝曰。吾甫至。當檢點行李。不克奉陪。言已。卽去。約瑟芬不久亦行。達耳摩就案與吾對坐。置書於膝。觀之。書爲案所蔽。吾遂不能見其書中之碎紙。彼乘吾不見。聚碎爲整。略一俯視。盡知其意。仍不露聲色。復揉紙作團。藏入衣囊。託詞暫出。出未遠。見無人在側。卽撮口微呼。有二人出自籬後。蓋其黨也。達耳摩謂之曰。魚雷模型仍在伊蘭行篋。汝曹趣往取之。二人受命立行。

堅寧旣偕園丁昇箱登樓。瑪麗方在樓檢點行李。甚異之。堅寧具以告。而伊蘭已入。卽屏退左右。盡啟其箱。果於箱中覓得魚雷模型。狂喜轉。不知所措。乃藏於衣櫃之屨。且加鍵焉。并鍵其門。出而告我。不料伊蘭甫行。達耳摩之黨已至。彼二人奉命。卽繞至別業後。見伊蘭臥樓之窗甚高。不易攀躋。復無梯可覓。乃決定用荷蘭人升屋之法。一人脫外衣。取極修之繩盤於腰際。倏升樓頭之高樹。更由樹而達屋頂。屋頂有一烟突。彼以繩之一端繫之。又一端回繫之於腰。縋身而下。適

當窗檻。卽以手力持攀之。而入。繼乃解腰間之繩。繫於窗上。急急搜覓。箱皆啟視。訖未覓得。最後乃覓諸衣櫃。見一屨嚴扇。乃取百合匙啓之。模型果在。乃握之於手。欣喜之態。匪言可宣。卽繫繩於腰。復緣至煙突。援樹而下。

伊蘭旣下樓。卽趨起居室。將覓吾言之。而達耳摩又自迴廊入。伊蘭望而止步。旋謂吾曰。吾將與汝一談。吾應之。伊蘭卽向達耳摩道歉。偕吾出。約瑟芬亦出視僕役。洒掃。達耳摩乃潛尾吾。與伊蘭後。伊蘭偕吾登樓。入其臥室。閉門。以倉皇之態謂吾曰。余已覓得魚雷模型矣。吾未及答。伊蘭忽呼曰。室中胡凌亂。乃爾。豈有人來此耶。我固加鍵於門矣。吾環顧室中。見諸箱盡啟。什物四置。似已被人搜檢者。伊蘭急奔衣櫃。啓屨模型。已不翼而飛。吾與伊蘭相顧失色。時則達耳摩在外。輕啓室門。向內竊窺。見吾輩懊喪。始悄然而去。惜吾輩不之覺耳。

吾更叙農夫矣。農夫自別業門外行後。約半里許。卽舍車而步。復返原路。犬從之。行至別業左近。取一黑色菸斗。取火吸。菸狀甚渾。噩似惟以課雨占晴爲念者。犬

臥其旁。彼則弄之。以足。然不時向別業。而望俄而似有所疑。卽取遠望鏡。窺之。果見一人自樓窗出。卽奮步而往。吠犬與偕。隱於叢樹後。迨黨人行至其前。卽率犬出而遮之。威之以銃。二黨不俟。銃發卽奮力擊。銃墮地。轉身而逃。農夫緊持其衣。犬亦力嚙一人之股。摔其人。倒其人。欲起犬。又按之。仆是犬爲比利時種。頗猛。擊其人爲犬所苦。則大號。方欲擊之。以銃。犬又猛。嚙其腕。銃亦墜。農夫則與又一人相搏。瞥見魚雷模型在其囊中。急攫之一手。挾魚雷一手。拾銃甫起。立其敵。又起而乘之。時則達耳摩已出別業。見狀疾趨而來。適農夫手中之模型爲其敵擊脫。落數武外。敵復緊握農夫之手。農夫欲拾不得。急以銃向模型連發。模型被彈而碎。其敵大驚。農夫卽以銃柄擊脫其敵之手。而遁。更吠犬同返。迨達耳摩奔至。見農夫與犬俱遠。追蹤不及。奔拾模型已成碎片。不辨形式。乃棄於地。恨恨而歸。吾與伊蘭因模型得而復失。憤懣不可言狀。且苦念克雷不置。以爲克雷果在必有。道以處之。吾則束手無策。旣而伊蘭欲乞達耳摩爲助。彼時吾雖不知達耳摩

卽吾輩之敵。然頗疑之。而伊蘭則必欲求助於彼。阻之不可。乃與之同車。逕赴達耳摩之廬。途經一橋。當吾輩車未至時。橋旁小山上。立有達耳摩之黨人。一橋下。則有數人。方連結電綫兩條於橋下。蓋奉達耳摩之命。燬此橋也。此時吾輩雖未見之。立山上者。已見吾輩之車。颯巾令橋下之人暫避。橋下之人。卽伏叢莽中。俟吾車過後。出而工作。蓋方鑿一坑。埋藏燬橋之炸藥也。

達耳摩因模型已毀。懊喪欲絕。方躑躅室中。有數人侍立。彼顧一人言曰。往視海濱。有無行人。吾將往。其人受命。手按壁上之紐。現一暗門。卽由暗門出。門復闔。少頃。達耳摩又命二人。出事其事。皆由前門行。達耳摩亦將出矣。忽聞步武聲。乃止步。而門者入報。謂吾與伊蘭偕至。時則吾輩行已及階。達耳摩聞吾輩入。伊蘭卽以魚雷模型得而復失之情形詳告之。達耳摩故作驚惶狀。答曰。吾早料及。必爲外國之諜所竊矣。雖然。吾必有以處之。吾輩卽道謝而別。

是日。達耳摩至行舍後。卽坐案前。匆匆作書。略謂吾奉政府訓令。燬海港之橋。速

裝設潛水艇之無綫電。俾通消息。書畢。啓案。歷出一長而中空之圓筒。一端有蓋。又一端則有一鈎。彼啓蓋。納書其中。而復合之。然後按壁上之紐。暗門立啓。一人自暗門出。向達耳摩。鞠躬。達耳摩授以筒。命之曰。送之於海。其人受命。復入暗門。由隧道出。直詣海濱。止於石崖。崖下卽海潮漲則深。退則淺。其人攀石。下至水面。取圓筒。出繫鉛於鈎。使得下墜。於是投筒於水。筒立沈海底。之人詳見第四章既得命。令卽自海中出。從事工作。當吾輩在達耳摩行舍時。若輩方在石崖上。昇一奇異笨車之金類。般繩入海中。深十尺。或十二尺。是名無綫電傳聲機。其傳聲也不藉空氣。僅需水耳。故以此與潛艇通信。最爲便利。其構造之大略則爲環形之磁鐵。橫置銅管於磁場氣口。凡磁力所及之處。圖曰磁場。管上連有鋼質之傳聲膜。更置一電鑰於磁鐵之中心點。司電流之行止。又有電綫連銅管上。綫之一端則聯於另一發電機。即司電鑰之啓閉者。凡由陸至水。由水至陸之電信。電話。莫不用之。誠利器也。若輩既縋盤於海。復於山洞。設一電站。裝設接電發電機於其中。裝畢。工

人之一反命於達耳摩。時則吾輩甫行也。達耳摩聞之。卽取一奇特之頭盔。盛附肩衣。及養氣罐。當日處則爲極厚之玻片。蓋戴以入海者。又取潛水衣着之。挾盔於手。偕一僕由暗門穿隧道往。僕執電炬爲導。比至電站。卽按發電機。啓鑰以通電。流然後戴盔。從容入海。始而水祇及膝。繼則由膝而項。而全身皆隱。僕乃一人獨歸。

吾與伊蘭自達耳摩行舍。取出道海濱。是日天朗氣清。海波不揚。一碧無際。岸旁山峯層疊。晴翠迎人。海氣山嵐交相輝映。吾車馳逐。其間彷彿入畫。車近石崖。忽來疾風吹落吾帽。帽隨風舞。伊蘭大笑。卽停車而下。偕吾覓之。帽已墮水。然近在崖。跌吾不願往拾。伊蘭必欲爲吾取之。攀援而下。竟爲所得。彼方以帽授吾。忽見海中有物浮起。適當其前。彼卽取之。乃一圓筒。其上有蓋。下有一鉤。伊蘭頗詫爲奇。卽偕吾攀援登岸。詳視此筒。問吾曰。此物從何而至。君識之乎。吾不能答。實則此時達耳摩之黨。已遙立而窺吾輩。而吾輩不知。既至車畔。乃啓筒視之。中有一

紙文曰。首領安抵此間。此外尙有暗號。則非吾所能識。伊蘭問曰。語意何指。吾仍不能答。雖加以猜度。終莫審其由。復登車而行。

當吾輩展視短信時。有一黨徒。潛伏石後。手持一銃。方欲發彈。倏而中止。殆慮白晝爲人所覺。繼乃奔向山頂。於叢樹中。出一奇器。此器實合透光鏡。與不透光鏡而成。名曰日光傳信器。置於三足之架。能藉日光之力。傳遞消息。時則其旁小山之頂。坐有一人。揚巾指揮。橋下之人。工作。彼見日光所傳之信。亟起而錄之。文曰。海中信爲伊蘭所得。彼與哲梅生同乘一車。俟其過第一橋。炸之。其人譯畢。急奔而下。山行至橋前。撮口作聲。有二人奔就其前。彼卽以日光所傳之信告之。二人復趨橋下。檢點所藏火藥箱之導綫。伏叢莽中。其一人又蛇行而出。極目以望。返謂其伴曰。來矣。

小山遠處。林叢中。有一人坐焉。卽送箱之農夫也。犬伏其旁。農夫方持遠鏡向海峽。而望。瞥見日光傳信器之光。一閃不覺。驚起。注目以觀。錄其文於紙。大驚。移鏡。

而望山下之路則吾輩之車已馳驟而來急下山向橋狂奔犬跳其前似爲導者吾輩此時方興高彩烈駕車疾馳不知農夫在吾之後農夫雖大呼吾仍弗覺彼則竭力窮追但究不如車行之迅彼知追亦無益狀極惶遽急奔他路時則吾車仍向橋疾駛達耳摩之黨方伏叢莽中屏息瞭望見吾車距橋已近卽有一人趨近炸藥之導綫機關倏見其旁森林中有人偕犬躍出向之猛撲蓋農夫已問道至矣其人被撲而倒更有一人突出以助其伴農夫之犬又向之狂噬其餘之黨人亦出與農夫爲敵於是惡鬪不止黨人見吾車行至橋畔卽有一人突圍蛇行向導綫機關而進而吾車已至橋之中段農夫奮神力擊諸人仆向導綫機關而奔然已無及陡聞轟然一聲橋盡燬矣不覺呆立幸此時吾車已越橋而過但聞巨聲發於車後似千萬氣管同時破裂伊蘭大驚停車弗駛回顧則橋石四散而飛距過橋時僅一秒鐘耳值此間不容髮之時吾輩竟能免於難且不爲飛石所擊寧非天幸伊蘭下車驚問曰是何故耶吾緊持其臂答曰不知但險地不可久

留速去。休伊蘭。乃復登車御輪。疾行。嘆曰。嗟乎。倘克雷遇此。必知所以處之。當橋炸時。達耳摩之黨。亦爲之驚顧。農夫卽奔至橋畔。遙見吾輩無恙。遂呼犬偕遁。黨人追之。爲其伴呼止。慮爲農夫所獲也。然究不知農夫爲誰。農夫旋亦奔入森林而渺。

第四章 秘港

吾與伊蘭安抵別業。回念此行。幾溺於死。不覺大震。蓋天下可驚可愕之事。值身當其境之時。雖怖而不至於極。事後追憶。怖乃無倫。旣而驚魂少定。伊蘭憶及所得海中之訊。雖不明其意。恐與國事有關。卽與吾謀。將以此訊郵致華盛頓密探部。吾然之。伊蘭乃自作書。書畢。授吾一觀。吾謂其措詞頗當。彼卽納之於函。自題函面曰。華盛頓密探部部長啓。更呼堅寧命。以此附郵。堅寧甫受書。門鈴忽動。彼將出應。吾屢言曰。此函關係甚重。吾當親送郵局。堅寧卽以函授吾。伊蘭領首曰。君能親往。良佳。惟此書必須保險。吾未及答。忽有人入室呼曰。君等安乎。吾視之。

則達耳摩也。

先是達耳摩於吾輩過橋後。卽自海中出自脫其盛。挾之於手。水自衣淋。滴滴下墮。復由隧通返其行舍。仍由壁門入室。更衣甫竟。而日光傳信者已至其門。達耳摩藏衣與盛。命之入。來者卽以伊蘭得海中訊。及謀害伊蘭不成事。具告之。達耳摩大怒。命其留此以待後命。急趨屋旁之河。登小摩託船。疾駛而前。浪花四濺。如霧。瞬抵伊蘭別業。乃繫艇登岸。此時達耳摩入室。就伊蘭語。行經吾前。觸吾手中書。墜地。卽向吾道歉。似出於無心者。旋俯拾之。書面之字。雖爲所見。彼仍佯爲鎮定。還書於吾。吾卽移步而出。伊蘭送吾至門首。囑曰。君須加愼。能付快郵最佳。吾應之。時馬已在門。吾卽跨馬揚鞭而去。

當伊蘭送吾出時。達耳摩乘間潛以電話。與其行舍之黨人語。密授以計。語畢。復歸其座。伊蘭已返。謂之曰。乞君恕我。吾因瑣事。乞哲梅生代。吾入城料理。耳繼乃與之閒語。達耳摩不欲久留。託故而別。

吾方遵行海濱。縱馬疾馳。忽有人自亂石後躍出。一人牽吾馬。韁餘二人。則曳吾下。騎吾立。出手銃擊之。創一人之臂。其人負痛。却走血淋滿道。吾銃方欲再發。彼二人已以鎗柄撻吾之首。吾卽自騎而墜。若輩曳吾入樹叢。吾疲極而喘。竟頽然仆地。時則負傷者已巾裹其臂。又一人則搜索吾身。若輩蓋奉達耳摩電話之命。要吾於路。以攫伊蘭之書也。既而在吾衣囊中覓得。則大喜。并向吾擲。揄曰。爾事敗矣。密探部不能得此矣。言已。卽取伊蘭之書。碎之棄於地。而藏海中所發之書於囊。更命餘人擁吾而入叢莽。未幾。三人之一。狀似領袖者。厲聲曰。暫置彼於懸崖。吾將報告首領矣。匆匆而去。餘人忽擁吾前進。

伊蘭別業外。有一人著古衣冠。架黑色眼鏡。散步河畔。以狀度之。必一教授。且爲博物家。因其搜集昆蟲草木之標本至夥也。顧雖散步。仍注意於伊蘭之別業。瞥見達耳摩自內出。急隱樹後。沿岸又來一人。卽在吾身搜得伊蘭之書者。達耳摩向之問曰。如何。其人答曰。彼已被捕。伊蘭報告書。吾已毀之。海中訊則在此。達耳

摩急取閱。自語曰。妙甚。乃偕其人躍登來時之舟而去。適河中有伊蘭之摩託船。博物家俟前舟略遠。亦躍登其上。鼓輪尾之。達耳摩已有所覺。取遠鏡向後而窺。博物家雖戴黑鏡。目光之銳。曾不少減。見日光中有遠鏡返射之光。知前舟有人。窺伺急伏。艙底達耳摩竟不能見。釋鏡自語曰。此伊蘭之舟。胡尾吾後耶。舟行益速。

達耳摩自伊蘭別業出後。未久。伊蘭以爲吾將歸矣。卽乘馬出遊。并欲迎吾於途。亦遵海而行。時則海風習習。爽氣迎人。美景天然。耐人尋味。伊蘭縱轡而行。厥狀至樂。固不知吾已在此。演一惡劇。無何。行至吾鎗擊黨人處。馬忽不前。伊蘭再三調弄不進。如故策之。馬竟舉蹄欲立。伊蘭頗以爲異。偶一俯首。見地有血泊。蓋馬有慣性。見血則驚。不獨伊蘭之馬爲然也。伊蘭乃引馬閃避。瞥見草際有一手銃。卽下騎。拾之。見銃上鏤有縮寫之字。一望而知爲吾名。不覺駭曰。此華邇德之銃耶。更細察之。見銃曾轟發。駭愈甚。復目注血泊。則血痕與足印同入叢莽。恍然悟。

曰必華邇德遇險矣。繼見叢莽中有足跡。草被足踏。臥地成路。卽循之而行。行至黨人檢搜吾身之處。見地有碎紙拾而合之。始知卽彼書致密探部者。更大驚不止。自語曰。豈華邇德已爲人所獲耶。引目四矚。地上足跡已不甚可辨。彼則決意覓吾之蹤。但不知何途。是從乃以所拾碎紙擲於空際。任其隨風飄蕩。覘其所向。卽從之。行此舉。雖近迷信。且類兒戲。然當不得已之時。舍是亦無他策。何意碎紙竟飄向黨人。迫吾所行之路。伊蘭乃望風而行。舉首遙見危巖。自語曰。是矣。

吾被黨人迫至危巖之跌。見亂石叢中有一仄徑。盤旋而上。黨人迫吾登焉。巖上沙礫爲人所踐。紛紛下墜。旣達絕頂。更有向下之石級。級頗險峻。望之生畏。吾股慄。幾不能步。黨人以銃迫吾不得已。乃匍匐而下。偶不留意。則足滑欲顛。幸手扶級旁之石。得不隕。否則吾身必隕絕壑成齏粉矣。級盡處有一石板。迫吾行之。黨人卽立於石板旁之巨石上。石板忽漸漸移動。乃舉之。起現一穴。窈然而深。中有燈光。此卽黨人所設之秘密通電機關。有二人守之。而石板上則連有金類製成。

之長條如彈簧。然倘不知者。誤立其上。則彈簧下。曲穴中人。卽知有外人來。此而爲之備矣。黨人復迫吾入穴。穴中亦有石級。險峻異常。吾下行時。失足幾墮。駭極。吾此時。畏仆之心。乃甚於畏死。黨人俟吾輩入後。復自下移石。掩穴如原狀。繼乃入一洞。洞中亦有人在。迫吾行者。呼曰。吾奉首領命。捕一囚來矣。卽命人縛吾手足。籌商處置之法。吾在旁聞之。始知若輩所商者。爲吾生死問題。或謂當立置於死。或謂稍緩。旣而一人曰。等死耳。從速爲佳。卽有一人向吾而來。吾大怖。忽有人影自外躍入。吾藉洞外射入之光視之。則伊蘭也。

先是伊蘭向危巖而行。條有沙礫紛紛。自巖而下。卽吾攀登時。所踐落者。急仰首而視。備見吾爲黨人所迫狀。乃潛林叢向外竊窺。舉凡拾級舉石種種。皆一一見之。迨吾入穴。彼卽趨出。極目而望。一無所見。卽持吾所墜之銃。直躋巖頂。拾級而下。至級盡處。審視良久。乃效黨人所爲。輕啓石板。俯身入穴。趨至洞口。向內傾聽。聞黨人將制吾死。大驚。明知彼黨甚衆。非所能敵。惟以吾命在。須臾不忍坐視。熱

血。上。湧。勇。乃。無。倫。奮。身。入。舉。銃。向。黨。人。銳。聲。叱。曰。舉。手。惡。黨。雖。有。四。人。然。猝。不。及。備。竟。從。其。言。伊。蘭。乃。拾。地。下。之。小。刀。釋。吾。之。縛。黨。人。之。一。乘。間。躍。起。伊。蘭。立。發。其。銃。中。其。人。仆。地。其。餘。三。人。望。而。震。懾。不。敢。復。動。實。則。若。輩。亦。懷。利。器。倘。捨。命。力。鬪。吾。與。伊。蘭。決。非。其。敵。彼。自。不。敢。耳。蓋。惟。先。聲。可。以。奪。人。果。爲。所。奪。勇。氣。旣。餒。怖。念。立。生。惟。有。俯。首。聽。命。固。不。以。衆。寡。論。也。吾。縛。已。釋。乃。搜。檢。黨。人。之。身。盡。取。黨。人。之。手。銃。而。行。卽。持。若。輩。之。銃。指。向。洞。口。以。防。其。出。而。讓。伊。蘭。先。趨。吾。旋。見。有。人。探。首。洞。外。吾。立。發。一。彈。其。人。縮。首。而。入。吾。輩。卽。倒。行。而。向。巖。頂。慮。其。襲。吾。後。也。

達。耳。摩。在。摩。託。船。中。遙。望。後。船。追。蹤。不。已。心。知。有。異。卽。命。其。僕。取。潛。水。衣。出。伏。艙。底。著。之。俾。不。爲。追。者。所。見。更。以。帆。布。束。成。人。形。加。以。衣。冠。置。於。彼。之。坐。位。以。惑。追。者。繼。乃。戴。其。異。樣。之。頭。盔。著。鉛。底。靴。俟。船。行。至。海。灣。轉。角。處。潛。由。船。旁。而。下。後。船。中。之。博。物。家。爲。岸。所。蔽。竟。不。得。見。但。疾。鼓。其。輪。猛。進。弗。止。且。見。前。舟。有。人。兀。坐。卽。亦。不。疑。時。則。達。耳。摩。所。乘。之。船。航。線。忽。改。成。半。圓。形。矣。

達耳摩躍入海中。倏卽沈至海底。由頭盛玻璃中。引目四矚。以辨所向。繼乃顛越而前。海底水藻砂石至夥。彼亦弗恤。最後行至港中巖下。卽伊蘭得海底郵筒處。適屆潮漲。水深不測。波浪奔騰。其頂厥聲如雷。海底有一半圓形之石門。急溜衝門而入。爲力至猛。達耳摩卽乘溜入焉。人門後。水勢稍緩。乃脫鉛靴。泗至水面。此中別有天地。爲一海峽。海中巨石如柱。繫有潛水艇三艘。岸有一屋。旁支一棚。凡潛艇所需之煤油等品。靡一不備。蓋達耳摩爲異國密使。奉其政府之命。竊築潛水艇之軍港於此。藉以圖美也。時則有一邏者。方在岸瞭望。瞥見水面起一旋渦。有人戴異形之盔。自海中浮起。急援之登。向之舉手。達耳摩亦舉手答之。邏者卽助彼脫去濕衣。彼乃入屋。屋中先有數人。環案而坐。狀類海陸軍將校。惟服裝各異。似國籍不同。實喬裝也。達耳摩入室。衆皆起而爲禮。彼卽據此最高之坐位焉。卽此可知彼爲若曹之首領矣。達耳摩入座。取一書揭閱。書爲美國大發明家麻克星赫德所著。名曰無備之美洲。殆以美國武備不修。憤而著此。以警國人者。彼

謂衆曰。吾輩不可緩矣。倘彼國人爲此書所警。繕其守備。則吾輩更不易謀。衆然之。彼又繙書中之地圖。圖有巨圈。以紐約之皮克思吉爾山爲中點。圈之半徑約長一百七十英里。達耳摩指而言曰。此美國之中心點也。包有紐約、布頓、費拉他而費亞、三州之地。凡軍械製造廠及大煤礦皆在其中。言至此。卽以手抵案曰。倘爲吾輩所得。則亞美利加全洲歸吾掌握矣。言時狀至鄭重。似較竊取魚雷模型爲尤要。衆皆傾聽。繼乃同畫進行之策。

達耳摩之摩託船亦向巖而行。將至危巖。卽以船環行作一巨圈。以亂追者之目。博物家仍遙窺之。見前船環行後。停於巖下。有人登巖而去。乃疾鼓其輪。追蹤而至。方知前舟所坐者。乃帆布束成之人形。急上岸以尾其登巖之人。斯時舟中人已由巖跌之徑攀援而登極頂。將由石級而下。偶一俯視。見吾與伊蘭之背。不覺大驚。蓋吾輩方倒行而上也。彼乃徐出手銃向下。審視方欲發彈。博物家忽自後躍出。堅持弗釋。先是博物家登岸後。亦由巖下之路而登。見舟中人在前潛躡其

後。比至絕頂。二人相距僅數武耳。博物家見其出銃俯視。亦就其所視處視之。知其意在吾輩。急伏地作勢。直撲其身。彼不及防。竟爲所持。急急回顧。始悉持彼者爲後。船中之博物家。於是相扭不已。同倒於地。繼又同起。

吾與伊蘭將及石級之巔。聞決鬪聲。至可恐怖。回身而望。見相鬪之人。一似博物家。一似惡黨。雖不知其人爲誰。然可憶度。惡黨必吾輩之敵。博物家殆因拯我而來。旣而博物家漸爲惡黨所迫。足踐巖邊之小石。無可退讓。忽奮神力向之。猛撲惡黨。立足不牢。身卽盤旋。而舞石級。又峻滑。不可攀扶。遂直撞巖下。砰然作聲。當彼盤旋向下時。吾與伊蘭皆倚壁避之。否則吾輩亦隨之顛矣。伊蘭睹此慘景。舉手障目。恐怖幾暈。幸吾立扶。弗至傾跌。惟其勇敢之氣。終異尋常。轉瞬卽能鎮定。遂偕吾同登博物家。見吾輩將至。卽匿身樹後。比吾輩行至山頂。四顧不見其人。頗詫爲異。伊蘭猶欲覓之。吾曰。行矣。久留非福。乃相將由巖而下。博物家俟吾輩去遠。復出林叢。潛視吾輩。繼又俯視墜巖者。見其呆臥不動。知彼已死。不足爲慮。

更引首下矚。目送吾輩之行。

第五章 海線

伊蘭在別業中。因長夏無聊。訂期某晚。開一遊園會以消遣。先一日。吾跨馬出遊。歸後忽有所觸。問伊蘭曰。汝亦憶有中將烏特瓦耶。伊蘭陡念中將爲克雷之友。今克雷已不知所之。悲感之心。又如潮而起。旣而曰。君何故以彼爲問。吾曰。渠所駐之臺爾堡。距此至近。伊蘭曰。明日當招之赴會也。

翌日。臺爾堡營中一傳事卒。手一書。送中將。卽伊蘭書也。烏特瓦啓函視之。略謂頃聞麾下駐節臺爾堡。相距匪遙。今夕敝舍開遊園會。恭候寵臨。敝友哲梅生。亦極願與君把晤。烏特瓦閱未畢。卽色然喜。命取楮墨。將作復書。忽有傳事卒入報。謂阿努爾教授求見。烏特瓦曰。吾素不識其人。姑導之入。須臾。阿努爾入室。鬚眉如戟。戴角邊眼鏡。入卽略作寒暄。烏特瓦頗疑之。適侍者出。阿努爾見無人在旁。卽趨與烏特瓦耳語。烏特瓦陡現驚色。逼視之。乃歡然握手。阿努爾又與耳語久。

之乃復就座。既而阿努爾問曰：君識達耳摩乎？烏特瓦曰：否。阿努爾曰：彼日與伊蘭周旋，意至不測。烏特瓦曰：今夕伊蘭招吾赴會。阿努爾曰：盍與吾偕。烏特瓦曰：當先以書答之。並云與君同往也。言已，卽援筆作書。書畢，命傳事卒送往。

吾與伊蘭約瑟芬同在園中。烏特瓦之卒已策騎送覆書至。伊蘭以烏特瓦偕友同來，頗以爲喜。卽與吾輩同商會場之布置。繼乃笑而言曰：吾有一事，不知君等贊同否。吾與約瑟芬見其興高彩烈，笑問何事。伊蘭曰：吾欲吾嬪喬裝賣卜者，爲會場之點綴。吾以約瑟芬平時裝束酷肖女巫，不覺笑曰：妙哉。約瑟芬雖不願爲，以吾與伊蘭之慫恿，乃微哂而後應之。

是日午後，達耳摩又入海，赴秘密軍港之會議所。衆皆環案而坐。達耳摩出一圖，言曰：凡大陸海底電線，由海上陸之地點，悉載此圖。吾輩必先按圖割斷電線。然後能圖大事。卽顧其旁之一人曰：速畀此圖於汽船之艦長，命其按圖而索。擇最易割斷處斷之。決定斷線之期。當卽報我。其人受圖，鞠躬而退。乃出海面，至岸旁。

之港。港有一小汽船。水手數人。在甲板上。或行或止。其人泐水登艦。水手導見艦長。其人以圖授之曰。此海底電線圖也。卽復述達耳摩之言。艦長頷之。

達耳摩既命人攜圖去。卽出會議所。泐海至岸。由隧道入行舍。見案頭有一郵簡。啓視之。則伊蘭招赴遊園會。會在今夕。達耳摩似不甚注意。閱畢置於一旁。繼忽轉念。復閱之。喃喃曰。吾往也。

及夕。伊蘭別業中燈光如晝。賓客盈門。蓋是處雖僻處海濱。豪門世族多構別業於此。以避炎暑。伊蘭之友居此者亦至夥也。會幕既開。來賓跳舞者頗衆。久之。烏特瓦始偕阿努爾至。伊蘭向之歡迎曰。吾知君駐節臺爾堡。願君消夏於茲。時相過從。烏特瓦從容答曰。吾之去留。須聽上官之命。惟吾則頗願留此。俾能朝夕晤談。言已。卽介阿努爾與伊蘭相見。阿努爾向伊蘭鞠躬。與之握手。狀頗拘謹。旋偕烏特瓦同入鄰室。伊蘭又招待他客。少暇。方欲趨與阿努爾語。達耳摩適至。向伊蘭道晚安。厥狀至恭。卽小立與伊蘭談話。

吾入會場。卽偕一美麗之女伴同行。將覓一清靜之地。與之深談。穿廳事而行。見一屋飾有布帷。門懸一招題曰。老婉娜預言休咎。此時約瑟芬服裝神宇。竟與女巫無異。來賓中固無一人知爲伊蘭之嬖者。吾之女伴謂吾曰。君盍就彼一詢。吾卽入屋。向約瑟芬作謔語曰。汝所謂佳運。以何爲標準。老婉娜執吾掌觀之。正色答曰。吾所預言。實根據其人之命理。卽如汝者。吾一望而知爲深情之人。但爾所注意者。不在此屋耳。吾急抽手而出。女伴曰。老嫗何鹵莽。乃爾卽偕吾至迴廊。更來一人。邀女跳舞。女遂離吾而去。時則伊蘭已與達耳摩跳舞畢。蓋伊蘭以達耳摩至恭盡禮。情不能却。遂不復如化裝跳舞會時之堅拒矣。吾見達耳摩已入人叢。卽趨伊蘭問話。旣而達耳摩逐隊而過。約瑟芬之屋。適侍者持一冰盤。過其前。達耳摩令其止步。取冰一塊。彼蓋知其黨已以不可思議之法置報告於冰塊下。乃乘人不覺。與冰同取。卽藏報告於手。而以冰送老婉娜前。老婉娜受而謝之。達耳摩却立一旁。發紙略觀。旋即搓成一團。棄之於地。然已爲約瑟芬所見。俟達耳

摩。去。略。遠。拾。而。展。視。則。一。日。出。海。上。之。圖。別。無。一。字。頗。以。爲。異。適。伊。蘭。偕。烏。特。瓦。過。其。前。彼。卽。示。意。令。伊。蘭。入。烏。特。瓦。與。偕。彼。搖。手。曰。吾。欲。女。郎。入。耳。非。汝。也。烏。特。瓦。乃。出。約。瑟。芬。潛。授。伊。蘭。以。圖。并。告。以。故。伊。蘭。展。圖。而。視。茫。然。不。解。問。曰。此。何。指。耶。約。瑟。芬。曰。吾。亦。不。知。伊。蘭。乃。藏。之。於。囊。

烏。特。瓦。自。約。瑟。芬。之。屋。出。卽。遇。其。友。阿。努。爾。阿。努。爾。固。舍。烏。特。瓦。外。無。一。人。與。之。相。識。且。窺。其。意。似。亦。無。暇。從。事。於。交。際。者。彼。偕。烏。特。瓦。同。至。迴。廊。望。月。瞥。見。達。耳。摩。方。與。一。人。微。語。其。人。卽。達。耳。摩。之。黨。達。耳。摩。甫。以。暗。號。招。之。出。自。叢。樹。中。者。阿。努。爾。見。狀。低。謂。烏。特。瓦。曰。彼。必。又。有。所。謀。矣。二。人。卽。同。向。達。耳。摩。窺。伺。然。達。耳。摩。卒。未。爲。彼。窺。出。破。綻。無。何。客。散。烏。特。瓦。與。阿。努。爾。亦。隨。衆。而。行。伊。蘭。獨。坐。室。中。取。圖。出。反。復。審。視。不。得。其。解。最。後。似。有。所。悟。自。語。曰。吾。姑。於。日。出。時。至。海。濱。俟。之。或。有。所。見。卽。取。一。醒。眠。鐘。對。準。時。刻。置。之。榻。旁。

達。耳。摩。歸。自。別。業。入。圖。書。室。扭。明。電。燈。按。鈕。啓。暗。門。滅。燈。而。入。繼。復。閉。之。行。至。隧。

道外。有人俟於暗陬。與之小語。達耳摩頷首曰。日出時。吾必至。其人去。達耳摩由
 隧道返。當達耳摩與其黨小語時。其圖書室之窗忽現一人面。卽阿努爾也。彼先
 在窗外諦聽。又啓窗竊窺。見無一人。悄然徑入。持懷中電炬。周視室中。繼乃趨案。
 取書一束。急急流覽。彼所立處。暗門適在其後。彼不知也。無何。達耳摩啓暗門。
 出。啓時。渺無聲息。阿努爾竟不之聞。達耳摩陡見案頭有電光之圓點。大驚。立出。
 手銃。扳其機。阿努爾聞扳機聲。始知有人來。此急滅電炬。伏地。狀至迅捷。室中昏
 暗。異常。達耳摩竟不能見。但厲聲問之。然無應者。怒極。忽見電炬之光。橫射於室
 中之一點。卽向發光處。連發其銃。彈罄。乃扭明電燈。引目四顧。闐無人焉。惟室門
 已啓。急奔門首。仍無所見。復入。見電炬之泡。繫爐架上。有一黑線。拖門外。蓋此黑
 線與電泡相連。阿努爾故意繫於爐架。潛持發電器。蛇行而出。出後。復按發電機
 室中之電泡。倏明。藉此以惑達耳摩之目。達耳摩至此。始知己爲所賣。力擲電泡。
 繼見案頭凌亂不堪。憤極而詛。阿努爾在屋外傾聽。知無追者。乃取隨手所得之

二三紙於月光中視之。因無要件。卽裂成碎片。委地而行。翌晨黎明。伊蘭聞鐘鳴。卽醒。恐擾他人。清夢立轉。機括鐘聲頓止。彼卽匆匆著衣。攜望遠鏡。悄然出門。直向海濱。偶一回首。瞥見後有三人。舉鏡視之。瞬又不見。頗詫爲怪。繼又前望。見海港有一汽船。準備起碇。乃自語曰。有何要事。絕早啓行。耶遂向汽船。而趨。實則汽船中。皆達耳摩之黨。昨日達耳摩命人賚送海底電線圖。於此艦長。已按圖探得電線所在。將往斷之。此時艦長方督率水手。準備開行。甲板之上。起錨機。有極長鋼練。圍之練之一端。附有三叉之倒鬚鈎。艦長號於衆曰。聽之。吾輩按圖而覓。無不得者。祇須擲鈎於海。俟有牽絆。卽電線也。當竭力起之。毋緩。衆皆噉應。時則海濱漁舍外。立有兩人。若有所俟。既而來一漁艇。艇中人卽達耳摩也。向漁舍外之二人。問曰。諸事備否。二人同聲答曰。具備矣。卽相率登岸。行向汽船。伊蘭所見者。卽此。然此二人中。已有一人。見伊蘭矣。急與二人同避石後。伊蘭既無所見。復掉首而趨。汽船達耳摩出而尾之。伊蘭行至海港。竟未爲汽。

船。中。人。所。見。復。潛。入。船。中。船。中。人。亦。不。之。覺。蓋。其。時。艦。長。猶。對。船。員。詳。告。鉤。取。電。線。之。法。衆。皆。傾。聽。神。不。旁。驚。且。以。是。港。僻。靜。異。常。白。晝。亦。無。人。至。矧。在。凌。晨。遂。不。爲。備。然。達。耳。摩。則。遙。見。之。伊。蘭。伏。甲。板。上。備。聞。艦。長。之。言。不。覺。大。怖。而。達。耳。摩。登。舟。矣。彼。行。至。甲。板。狀。似。捕。鼠。之。貓。躡。足。遙。立。伊。蘭。後。顧。二。人。曰。捕。之。於。是。二。人。攘。臂。而。前。伊。蘭。雖。抗。然。不。能。敵。乃。被。囚。於。艦。長。室。并。加。鍵。於。門。達。耳。摩。卽。下。令。起。旋。向。衆。指。揮。迨。行。至。電。線。圖。中。之。地。點。乃。以。倒。鬚。鉤。緩。緩。自。舷。而。下。俟。沈。至。海。底。而。後。曳。之。伊。蘭。在。室。中。雖。縱。聲。呼。救。并。以。物。撞。門。若。輩。如。弗。聞。也。

昨。夕。散。會。吾。卽。擬。於。今。晨。作。釣。魚。之。戲。素。稔。伊。蘭。晏。起。且。擬。獨。釣。以。占。吾。運。昨。夕。竟。未。語。及。迨。今。日。黎。明。伊。蘭。出。後。數。分。鐘。吾。亦。持。釣。竿。出。至。海。濱。擇。石。而。坐。納。餌。於。鉤。投。綸。於。水。厥。狀。至。樂。忽。見。港。中。小。汽。船。上。有。二。人。奔。於。甲。板。曳。一。女。郎。入。艙。女。郎。且。號。且。拒。雖。相。距。匪。近。然。一。望。而。知。爲。伊。蘭。吾。幾。疑。爲。目。眩。更。揉。目。視。之。果。伊。蘭。也。吾。駭。極。急。投。竿。於。地。疾。趨。往。救。不。料。奔。至。其。處。而。船。已。行。至。港。外。吾。頗。欲。

覓一摩託船追之。倉皇四覓。不獨摩託船。卽求一打槳之小舟。亦不可得。吾不能飛渡。惶急萬狀。繼念海濱。或有漁舟。乃奔覓不已。

是時阿努爾已偕烏特瓦聯騎而出。同作野游。蓋阿努爾昨夜卽宿於烏特瓦之營。以晨曦初動。海景良佳。遂同出眺望。由海濱轉入小山。俯瞰海中全景。阿努爾忽有所見。指謂烏特瓦曰。視之。烏特瓦卽就其所指。張目而視。問曰。豈牡蠣船耶。阿努爾曰。時甫清晨。捕牡蠣者。未必如此之早。卽取遠鏡窺之。見有物如鉤。從船舷下投。繼又曳之使下。乃謂烏特瓦曰。若輩方有所曳。嗣又從遠鏡窺見。若輩在海中曳起一物。色黯而蒙。有海藻。旋投之於水。似非其所欲得者。更以鈎下投。此時頓有所悟。不覺失聲曰。天乎。此大西洋電線上陸處也。若輩欲斷電線耶。烏特瓦自以遠鏡望之。亦驚呼曰。確也。卽顧阿努爾曰。君在此瞭望。吾當返堡。設法阻之。急策騎疾馳。比至操場。礮隊方在此操練。隊官見烏特瓦疾馳而至。心知有異。就而問焉。烏特瓦急述所見。遂命速率礮隊。前往擊之。隊官乃向衆發令。烏特瓦

急轉馬首而行。礮隊從其後。風馳電掣而去。

阿努爾從遠鏡中遙見達耳摩與其黨將海線曳起置甲板上。知轉瞬卽爲所斷。惶駭不知所爲而礮隊已至。急架礮於山向船瞄準。時則達耳摩已持一巨斧將向線猛斫。忽轟然一聲。羣谷響應。巨礮發矣。汽船中人震越。失次。蓋艦長室之門已中彈而破。門板四飛。持海線者爲板所中。創而倒地。海線遂由甲板復沈入海。達耳摩以前功盡棄。怒詈不已。第二礮又發。彈中艦長室門之楣。楣立倒。伊蘭初則蟄伏室隅。至此始悟蟄伏之險。尤甚。乃奪門而走。達耳摩亦於同時躍入汽船旁。之小摩託船。是船卽用以助曳海線者。伊蘭既出室門。遂躍於海。阿努爾自遠鏡中見之。狀似癩發。大呼曰。停礮。有一女郎。伊蘭也。烏特瓦不信。阿努爾授以遠鏡。烏特瓦視之。果然。乃停礮弗擊。

達耳摩在摩託船中。見伊蘭泅水。怒呼曰。彼伊蘭也。必捕之。舟人卽轉輪相逐。達耳摩慮爲伊蘭所見。以手掩面。伊蘭雖力泅而前。終不敵摩託船之迅。旣而愈逼。

愈近阿努爾與烏特瓦皆爲之失色。

吾在海濱狂奔。訖無一舟而可得。已行近臺爾堡矣。瞥見沙灘有少年軍官圍立。中有一物狀如飛鳥。又似小舟。吾趨視。則湯姆氏之輕氣飛機也。吾頓有所悟。以爲此機能救伊蘭於厄。而若輩已將升機而上。吾且奔且呼。并向之搖手。令其勿升。軍官見吾狀。羣以爲異。立止其機。中有一人迎吾而問。其人卽海軍大佐褒恆西。吾喘息告之。乞其往救。並云吾與伊蘭皆烏特瓦之友。褒恆西略一沈吟。命吾同登飛機而上。彼卽轉機前進。初掠海面。繼乃升空。當曉風送爽之時。空際飛行。令人愉快。吾心念伊蘭卽亦弗覺。時已居高臨下。遙見岸外伊蘭泅水狀。後有摩托船追之。不覺大呼。指謂褒恆西曰。視之速前進。褒恆西亦極目而望。高聲答曰。唯因略提機葉。速率頓增。未幾。吾見摩托船中一人。軀幹修偉。似曾相識。但倉皇中不能舉其姓名。是時心急如焚。亦無暇記憶。彼見飛機迴翔。其巔已不敢復逐立轉。其柁。吾機乃降至水面。褒恆西力曳伊蘭入機。吾脫外衣裹之。伊蘭喘息言。

曰。謝君救我。少遲則吾死矣。吾向之道。歎曰。吾自恨來遲。致汝久爲所困。彼又曰。若輩未斷海線耶。吾曰。否。卽升機而上。阿努爾與烏特瓦兀立山巔。遙見伊蘭。爲吾所拯。喜極而呼。

第六章 水簾洞

達耳摩旣乘摩託船。逃至僻港。匆匆登陸。又恐所設之無線電站。佈置或未完密。因往視之。沿港而行。且行且望。惟慮爲人所躡。旣而行抵瀑布前。此瀑布自山巔奔騰而下。厥聲如雷。達耳摩四顧無人。立趨瀑布旁之石石隙中。藏有水準儀。彼手按其機。瀑布立止。現一洞。洞中有路。彼乃由洞而入。路盡處。山腰更有一洞。可梯而上也。惟路較仄耳。達耳摩拾級而登。行數武石級之旁。亦有水準儀。復按之。而第一洞之口。瀑布復流。澎湃與前無異。其中機括實賴一水閘。以兩水準儀司其啓閉。閘閉則瀑布改趨他道。啓則仍流原處。洞口爲瀑布所蔽。人遂不得而見。可謂奇巧極矣。彼旣入內洞。中有一人。當案而坐。戴奇特之冠。兩耳亦爲所掩。案

頭。有。一。極。巨。之。儀。器。閃。閃。發。光。光。綠。色。火。星。瀑。裂。有。聲。器。有。線。上。行。貫。洞。頂。而。出。所。謂。無。線。電。站。者。卽。此。其。無。線。電。之。觸。鬚。則。在。瀑。布。上。之。峯。巔。是。處。與。海。底。之。潛。艇。軍。港。爲。鄰。互。通。消。息。事。至。易。也。達。耳。摩。向。坐。者。問。曰。電。流。無。阻。滯。否。其。人。向。之。搖。首。達。耳。摩。自。趨。儀。器。視。之。作。滿。意。狀。曰。吾。當。另。設。一。器。不。令。火。星。迸。發。更。欲。引。此。電。力。逾。海。以。達。吾。國。俾。能。與。國。人。通。信。雖。然。吾。必。至。軍。港。與。衆。會。商。方。可。定。議。當。續。報。汝。也。言。已。卽。出。

烏特瓦礮擊汽船後。仍邀阿努爾同返營中。并介見堡中司令施偉敷大佐。忽傳事卒入。向大佐鞠躬。遞一電訊。大佐閱畢。色頗嚴重。授之烏特瓦。烏特瓦閱之。則無線電局白纒登。自華盛頓評議會發來者。略謂察得尊處左近。有人私設無線電站。乞速偵獲。烏特瓦卽持與阿努爾一觀。阿努爾徐言曰。吾遊艇中設有無線電機。可爲偵探之助。於是烏特瓦遂偕阿努爾同至海濱。以摩託船疾駛出海。登阿努爾之艇。行至桅前。則無形電場。卽在其上。乃登樓入電室。阿努爾裝設器械。

狀至忙碌。且作且言曰。無線電分三部。一曰電力之源。一曰發電機。一曰電鑰。火星集電盤。自感圈之類。一曰接電機。一曰觸鬚。通地之電引。防雷器之類。吾所用者。則至簡。至捷之法。電浪流行極速。更有通電火口。遏止器。斷續電系器。可以偵探他人所用之無線電。君等直可呼此爲無線電之偵探機。烏特瓦凝神聽之。

吾與褒恆西既以飛機送伊蘭歸。伊蘭經此磨折。可謂創鉅痛深。不料歸後忽失所在。吾遍覓不得。後此方知伊蘭實赴市購買舊衣。爲喬裝之備。彼蓋以爲近日屢有奇事發生。亟欲一探其究竟。未幾即自市返。挾男子舊衣一裹。潛行登樓。入室鍵門。易釵而弁裝畢。對鏡覺雲鬢蓬鬆。與衣不類。不覺失笑。急掠鬢。使上并以冠深覆額際。唇飾燕尾鬚。取新購之菸。卷燃火吸之。意甚得也。何意喉觸菸味。忽然作噎。乃投菸於地。匆匆下樓。竟未遇一人。遂徜徉出門。更以帽簷遮眉。作游手狀。直抵海濱。行至危崖。即吾前日落帽處。見一男子著潛水衣。頭戴一盔。滿身淋漓。皆水。於石畔更衣。伊蘭亟藏身石後。望之。其人旋趨向山谷。伊蘭潛尾其後。迨

至瀑布旁。其人探手石隙。瀑布立止。卽由洞入焉。伊蘭不覺愕然。此人蓋爲達耳摩之使。自海底軍港送訊。至無線電站者。伊蘭俟彼入後。向洞而視。方欲步入。已爲其所覺。卽力按水準儀。使瀑布猛衝而下。伊蘭雖未當其衝。已立足不牢。爲水所捲。隨流而去。

吾在別業。覓伊蘭不得。疑其出游海濱。卽沿海覓之。途中有一少年突過。吾前俯首疾行。似慮爲人所識。吾雖未見其面。但觀其裝束。決爲匪黨。無疑不覺自語曰。此間誠匪窟哉。然以其與吾無干。亦不復措意。仍迤邐前進。久之竟不見伊蘭之影。怏怏而返。約瑟芬獨坐室中。吾急問曰。伊蘭何在。約瑟芬答稱不知。吾頗以爲奇。乃復出覓。更向海濱行抵一橋。立而徘徊俯觀。流水橋下湍流甚急。聲如雷鳴。驚見上流浮有一物。直衝而下。轉瞬距橋不遠。則一人也更視之。其人非他。卽伊蘭耳。彼方竭力向岸游泳。然終不能與急流相抗。吾頗怪伊蘭何以墮水。急脫外衣。以便泅救。而伊蘭已衝至橋前。吾躍身水中。奮力泳至其旁。執其手。曳至水勢

稍殺處登岸。彼已疲極。坐地喘息。吾視其衣。始知所遇之惡少年。即彼喬裝。其冠與鬚皆爲巨浸衝沒矣。吾問其喬裝之故。彼喘而言曰。姑舍是。吾已探得一事矣。惟衣已濕透。當先歸而更衣。吾即掖之而行。彼即在途。詳述所見。

阿努爾傾耳於接電機。知有無線電浪經過其上。蓋是時達耳摩之無線電站。方傳訊也。阿努爾傾聽時。頻移機上之滑舌。於一鏤有度數之圓板。烏特瓦旁立觀之。阿努爾謂曰。君知此機之觸鬚。可以接受任何電站之電信。無論何種祕密消息。其由侯濟安電浪所傳者。經過此線。即被截留。吾已以此線裝於傳聲筒。吾儕可坐聽矣。阿努爾即持筭迫近耳際。久之。烏特瓦問曰。君有所聞乎。阿努爾頷首。即取鉛筆書之於紙。授烏特瓦觀之。則皆摩西密電碼書中所用無意義之點畫。烏特瓦茫然不解。阿努爾復微笑。取筆改竄。授烏特瓦曰。如此則君可識矣。烏特瓦果一見。即知其義。爲海港掘成四字。不覺大驚。阿努爾曰。吾更可藉此偵彼私竊之電站。距此若干言。已即取小器附於機上。器作圓形。刻有度數。一度爲一里。

其中心點則有一可以旋轉之針。時則其針方指一度。既而徐徐旋轉。行至二度而止。阿努爾指謂烏特瓦曰。中將視之。距此匪遠。更取遠鏡立甲板上。向海濱遙窺良久。見山巔叢樹中。露出一屋頂。屋頂之烟突。裝有無線電之觸鬚。但爲樹陰所蔽。若隱若現。乃遙指大呼曰。視之。卽以遠鏡授烏特瓦。烏特瓦窺視有頃。答曰。確也。是卽私設之無線電站。阿努爾曰。吾輩當卽詣其處。烏特瓦然之。遂同以摩托船登陸。阿努爾曰。吾輩前往至險。不可無人爲援。乃疾書一訊。與施偉敷大佐。命船中水手。速送至營。遂偕烏特瓦向無線電站而進。

費書之水手。狂奔而至臺爾堡。邏卒導見施偉敷大佐。大佐展書視之。文曰。濱海山巔。發現私設之無線電站。速派兵一隊。與送書者偕來。阿努爾啓。

大佐問曰。中將與阿努爾君何在。水手曰。已前往矣。吾識其所往之途。此時卽行。猶能追及。大佐急授信於旁立之馬弁。命速率馬隊往。馬弁塞信於革帶。卽整隊疾馳。水手在前爲導。行未久。弁在馬上。身軀顛動。革帶已鬆。帶中之信。竟於無意

中落地。弁不之覺。疾馳而去。然此信已爲一人所見。卽達耳摩之僕也。彼方從達耳摩之行舍出。忽見騎兵一隊。匆匆而過。心已疑之。繼見有紙墜自隊官之身。俟其去遠。俯拾而視。始知馬隊實往無線電站。大驚。急奔行舍。是時達耳摩適從海港歸。坐於案前。其僕突至。喘息告之。并示以信。達耳摩大怒。卽取帽且攜短斧由暗門中隧道而出。阿努爾與烏特瓦旣行近山巔。遙見破屋高據河流瀑布之上。而無線電之天空線即觸卽附於破屋之煙突。乃由林叢中潛行。距破屋不遠。出林而視。見有一人來自對面。推破屋之門而入。阿努爾低語曰。必達耳摩也。烏特瓦疑信參半。迨行近破屋。見屋門之樞已鏽。扃亦弗嚴。烏特瓦將挺身而入。阿努爾力掣其肘。自脫帽以杖挑之。徐徐推門以杖送帽。先人陡見一短斧向帽力劈。帽杖均落。乃大呼曰。可以入矣。烏特瓦急推門入屋。忽飛出一椅。烏特瓦觸之立仆。阿努爾繼進。見一人自窗而出。舉銃擊之不中。烏特瓦亦忍痛起而追之。其人已入森林。阿努爾亦出而窮追。且行且發其銃。

屋中之人。卽達耳摩也。彼得其僕之報告。卽問道登山入屋。捫其壁。壁忽啓。現一小櫥。中有電話機。卽以電話告洞中人。命抽電線。洞中人請其斷線。而後抽之。達耳摩乃舍電話機。自窗外望見烏特瓦與阿努爾。已相距不遠。不覺恨恨。急戴一絲質之面具。持斧登梯。由屋頂之門至煙突。以斧砍線立斷。洞中人急抽線使下。達耳摩乃以斧亂砍設置電線之木板。拋棄於地。時則阿努爾烏特瓦已行近其處。幾爲板所中。亟隱身樹外。仰首而視。惟爲叢樹所蔽。竟不得見。卽出手銃從樹後潛進。比至屋前。達耳摩已由屋頂而下。知彼二人必入此室。因握斧以待。不意阿努爾已早料及。未爲所算也。

是時吾與伊蘭亦偕馬隊至矣。先是吾掖伊蘭歸。亟欲偵悉瀑布後洞中之祕密。更衣旣竟。復聯騎而出。行未遠。忽聞馬蹄雜沓。來自吾後。回首視之。則馬隊也。隊官普黎士爲伊蘭所素識。因向之問故。普黎士具以告。伊蘭亦以所見者告之。并問曰。吾人可偕行否。隊官曰。吾正欲邀與同行。探其究竟。遂偕往。藉水手爲導。行

至山腰方四顧以覓烏特瓦與阿努爾之蹤跡。忽聞巨聲發於空際。隊兵中有一人呼曰。聽之。此彈聲也。伊蘭曰。是必中將。偕阿努爾已與匪黨鬪。吾儕當速往援。惟山路崎嶇。騎行不便。奈何。隊官遂發令舍騎而步。吾與伊蘭亦卽同步而前。遇險峻處。則互相扶助。未幾已見山巔之屋。屋下有一隧道。隧道之下爲溝。上蔽木板。以便人行。溝中湍流甚急。是卽瀑布之源。所設之閘。卽在此溝中。吾輩行至山巔。忽見有戴面具者。向隧道而來。隊兵立發其鎗。顧已無及。此戴面具者。竟入隧道。當發鎗時。伊蘭大號。蓋見中將與阿努爾均隨戴面具者之後。恐誤中也。然幸而不中。二人亦入隧道追之。隊官忽呼曰。吾輩當阻之於隧道之彼端。卽與吾輩率隊飛馳而去。達耳摩行隧道中。遙見馬隊舉鎗以待。急急縮回。繼念歸路。又爲烏特瓦與阿努爾所截。事處兩難。不得已。乃啓板潛身入水。入時渺無聲息。既入則隨流而下。流至閘前。卽奮全力聳身登岸。擗笑而遁。隊官不知達耳摩已逃。猶在隧道之口。傾耳而聽。聞步武聲。低語衆曰。聽之。有人

出矣。衆皆舉銃將發。伊蘭忽大呼曰。此中將與阿努爾也。衆視之果然。蓋溝中黑暗。烏特瓦與阿努爾亦不知達耳摩入水。遂穿溝而出。烏特瓦出卽問曰。汝曹曾見有戴面具者。由此出乎。衆皆答稱未見。阿努爾亦向隊官詢問。繼乃自語曰。彼必冒死入水遁矣。言已。瞥見伊蘭急轉面他視。伊蘭趨前謂曰。吾頗佩君腦力。竟見及此。阿努爾若弗聞者。急躍入隧道。迴身逕去。伊蘭不覺拂然。

第七章 毒彈

某日海港中有巨船向岸而來。港距達耳摩之潛艇軍港約數英里。是時岸上有多數黨人遙立以待。旣而巨船傍岸。所載巨箱至夥。岸人舁之。運入海濱之破屋。此屋從前本一旅館。近已廢棄。其露臺亦搖搖欲倒。上有一人往來。蹠露臺則格格作聲。其人卽達耳摩也。屋中破陋不堪。惟有破案及塵封之椅而已。達耳摩俟全數之巨箱運入。向二人言曰。吾將去矣。汝曹須嚴守之。毋令外人入此。脫有來者。卽囚而見我。彼或相抗。可殺之以銃。二人噉應。各據宅外之路爲守。達耳摩

即行。

當巨舶抵岸時。海濱高崗後。有一形容獷悍之浪人。往來竊窺。見若輩連箱登岸。頗爲注意。旋見運夫舁箱入屋。自語曰。必若輩之機關部也。從林隙竊窺良久。自崗而下。忽聞前有步武聲。急伏地視之。遙見一人兀立樹前。似守望者。乃改趨他道。又見一人在林外爲守。浪人進退維谷。方欲在樹叢中潛行而過。衣拂樹枝有聲。已爲邏者所覺。突前執之。威之以銃。浪人故作彀。棘狀舉手向上。邏者鳴笛以召其黨。又一邏者聞聲至。羣議處置法。後至之邏者曰。當遵主人命囚之。於是二人迫令浪人向屋而行。行至門前。一人留此瞭望。又一人以囚入。遶道登樓。蓋有多人方在室中工作。不欲令浪人見之耳。繼乃囚於樓中之小室。室除天窗外。更無一窗。浪人被囚。似恐懼萬狀者。邏者又推室中通入旁屋之門。門弗啓。知已鍵矣。卽以銃擬其面。搜其身。然無可得。鍵門而去。浪人於邏者去後。泰然若無事者。然前後兩門皆鍵。不得啓。彼乃仰視天窗。忽忽如有所思。邏者下樓。由隧道直赴

達耳摩之行舍。時則達耳摩之侍者在室。邏者問主人安在。侍者答曰。赴威耳凱休鄉之會矣。邏者告以捕囚事。侍者令其追蹤而往。邏者復由暗門去。

是日午前。吾與伊蘭約瑟芬同在草地。有一御者送一訊至。伊蘭視之。授訊於吾曰。此非樂事耶。吾閱其文。略謂今日午後。威耳凱休鄉開紙獵會。

按紙獵爲一種遊戲以人充狐

及獵犬充狐者散紙於地誘充獵犬者逐之

能偕友寵臨。至幸。下書書記白朗啓。吾答曰。吾願往也。語

未畢。而達耳摩至。伊蘭卽以紙獵會告之。并曰。吾知君或偕往也。達耳摩曰。吾頗以此爲樂。繼又閒話逾時。達耳摩乃告別。訂定於會場相見。無何。吾與伊蘭約瑟芬並轡而行。伊蘭所乘之馬。卽其父生時所乘者。實一良馬。且善於馳獵者。未幾已抵會場。達耳摩果在會場外拱候。乃相率入會。會中人備極歡迎。會長方與衆集議。斟酌紙獵引獵。二者孰善。引獵者獵人乘馬。拽物於地。誘犬逐之。達耳摩曰。引獵最佳。且可曠覽郊原之景。伊蘭亦以爲然。衆復和之。於是獵幕開矣。而達耳摩之黨。適於此時至。達耳摩卽與密語。遣之去。語非他人所能聞。但見達耳摩蹙

頰而已。既而角聲大鳴。吾輩皆乘騎。拽尙香袋於地。馳驟而前。獵犬疾隨其後。其狀况與真獵無異。伊蘭本先驅馬力。又健獵犬。竟與之相失。吾騎亦不能及。未幾。達耳摩亦不知所之。蓋彼聞其黨之報告。乘間去矣。

伊蘭縱馬疾馳。誤入歧路。行里許。抵一谷。立馬。四顧口渴甚。遂下騎。掬溪水而飲。是時忽有角聲。因風而至。彼方傾耳以覘聲。所自來。覓路而返。馬亦聞聲。高竦其耳。旋即狂奔。伊蘭追之。無及。目送其絕塵而去。不得已徐步。而向谷旁。繼乃望見破屋。陡憶兒時。曾過其處。彼時猶爲旅館。今已廢圯。不覺動滄桑之感。卽行近室中之窗。向內而望。室中人方從事工作。案頭陳列藥瓶及曲項甌。所製者爲綠氣彈。彈壳爲脆薄且硬之橡皮管。以極巨之壓力。裝氣於其中。工人皆以風鏡護目。面具護面。口鼻皆塞濕棉。以免爲綠氣所毒。伊蘭從百葉窗之破處見之。頗爲駭異。忽聞室內有人呼曰。窗外有人。速捕之。衆皆躍起。伊蘭大驚。急奔避之。不數武。卽爲邏者所執。蓋此邏者。方爲達耳摩繫馬於屋外之廡。聞聲至也。

先是達耳摩乘間自圍場出。卽向此而行。行抵路口。邏者向之爲禮。彼卽下騎。令邏者繫馬於廐。達耳摩旣入。卽叩室門。室中人聞之。工作立止。達耳摩命先授以風鏡面具及外衣。彼加之於身。然後入室。詳視工作。狀頗滿意。卽問所捕之囚安在。一人答曰。已錮之於樓。言次。忽見窗外有一人面。乃大呼。達耳摩急命捕之。迨伊蘭爲邏者所捕。達耳摩亦率衆奔出。戴有風鏡及面具。伊蘭遂不之識。達耳摩又變其聲調。顧一短小精悍之人曰。拘之登樓。并以先獲之囚見我。又令邏者仍返原處守望。而自率餘人入室作工。短小精悍者卽迫伊蘭登樓。浪人在室中聞人聲。從鎖孔外窺。見一人迫伊蘭行經室外之堂屋。入對門之室。繼卽鍵門而出。更鍵堂屋之門。向彼室而來。急躡足至室。隅僞睡以覘其變。短小之人果入。蹴以足。叱之起。浪人卽坐而呵欠。并揉目作態。短小之人又叱曰。速起。隨我行。言已。卽趨門。首未及履。闕己爲浪人撲倒。手扼其喉。膝壓其胸。物塞其口。縛其手足。脫其面具。風鏡并褫。其衣冠至袒服而止。卽以匙啓對門之室。時則伊蘭方惶急不知。

所可忽見門啓。一浪人入。門復閉。伊蘭悸而却立。浪人向之搖手以鼻作聲。低語曰。毋懼。吾拯汝也。卽指衣冠風鏡面具。曰。汝速著。此掠髮藏帽中。否則死矣。伊蘭感極。急易裝。行至堂屋。低問曰。能卽行乎。浪人亦低語曰。行矣。倘與人相遇。切勿發言。但向之舉手。必無阻者。伊蘭領之。躡足下樓。竟未爲人所覺。悄然出門。未數武。遇一邏者。向之問曰。汝爲誰。伊蘭舉手不答。迅步而前。邏者遂任其去。旣而疑焉。注目視其所往。伊蘭急不擇路。踉蹌前進。帽爲樹枝所拂。扶之不及。已落於地。黃金之髮隨風而舞。邏者已望見之。知爲喬裝。疾行往捕。大呼曰。止步。伊蘭急向樹叢而奔。自脫風鏡面具。擲之地。時時回顧。見追者且及。悸極。竟失足而顛。由巖下隕。幸巖非險峻。滾身草莽而達。巖下衣已破損。皮膚亦傷。忍痛向森林而遁。當伊蘭顛時。邏者已行至山巖。見狀。卽伏身持銃。向下遙擊。但爲樹石所蔽。未能命中。邏者猶不相捨。更攀援而下。直至山跌。尾伊蘭之後。伊蘭且啼且奔。勢極危殆。而吾至矣。先是吾在圍場。聞女子啼聲。頗以爲異。更聽之。辨其爲伊蘭之聲。急策

騎循聲而往。果見伊蘭狂奔。後有一人執鎗追之。吾力策其馬迎之。而前引馬向追者撲衝出其不意。舉策力撻其頂。追者仆地而暈。吾乃下騎追伊蘭返。會中人也咸來問訊。

伊蘭去後。浪人仍鍵其門。潛伏室外。逾時始躡足而出。方欲下樓。忽聞鎗聲立而傾聽。繼聞樓下喧譁不已。蓋達耳摩亦聞聲而出。方命人至門外探視。且命衆人隨之登樓。以視其囚虜。浪人聞有人登梯。急由屋頂之門升屋。達耳摩先至。拘囚伊蘭之室。啓門視之。見伊蘭已杳。大驚。復啟對門之室。則浪人亦遁。惟短小之人被縛臥地。達耳摩急命人去其口中所塞之物。向之問曰。浪人安往。短小之人答曰。升屋矣。達耳摩命人升屋覓之。不得。卽下樓四覓。喧闐移時。伊蘭與浪人仍渺然無迹。達耳摩怒極。復登樓。自由屋頂之門升屋而望。亦無跡可尋。旣而似有所見。命人以遠鏡至。取鏡遙窺。見有騎兵一隊。向此而來。浪人與一軍官在前爲導。急下屋頂。呼曰。吾輩速備戰。騎兵來矣。

騎兵何由至乎。卽浪人召之也。蓋浪人升屋卽緣電桿而下。遠至屋後見達耳。摩之馬在焉。乃解韁跨之。而出時則門外之邏者已追伊蘭去。竟無人見之。彼縱轡疾行至臺爾堡。堡中兵士阻不使入。浪人謂有要事。欲謁中將。適有一弁過其前。遂導見烏特瓦。烏特瓦初亦弗識。繼乃知浪人卽阿努爾也。浪人急告以故。烏特瓦自率騎兵一隊。浪人前導。直向此秘密機關部而行。吾與伊蘭聞馬蹄聲。疑爲匪黨。方搜鞍備戰。迨騎兵行近。始知爲烏特瓦之兵。而浪人與偕。伊蘭指浪人謂吾曰。彼人卽拯我者。浪人雖力避伊蘭之目。然見伊蘭無恙狀。似欣慰。繼乃疾馳而去。斯時達耳摩已命衆人入室。各挾其所製之毒彈。趨附近之林。及至而騎兵已至小山之巔。烏特瓦瞥見黨人奔入林中。急下令追捕。騎兵如飛而進。追至林外。卽下騎。列成半圓形。烏特瓦方欲下令兜捕。而毒彈已自林外擲。霎時烟氣彌漫。作黃綠色。直向騎兵而來。蓋騎兵所立處。適當下風也。騎兵觸烟而嗆。有倒地者。烏特瓦急命衆退避。於是衆兵力畀昏倒之人。顛越而奔。達耳摩之黨本占上。

風而立。且有風鏡。面具爲蔽。遂從毒霧中衝出。轉瞬卽杳。

吾與伊蘭亦隨騎兵後。遙立以觀攻擊。見毒彈突發。不覺大駭。繼見軍士界有多數昏倒之人。而回吾輩卽趨前盡力以救。而浪人亦在昏倒之列。伊蘭見之不覺驚嘆。急趨其旁。然浪人受毒弗深。蓋彼之口鼻縛有一巾也。此時爲空氣所療。愈覺清醒。見伊蘭在側。竟力疾起狂奔而去。伊蘭詫曰。異哉。彼拯吾命。匪獨不受吾謝。且不願吾爲之護持。可謂奇人矣。

第八章 探光銃

阿努爾在游艇中。持一連環手銃。銃之彈室頗長。先取一管裝於彈室下。繼乃一手持銃。一手持一紙片蔽於銃口之前。更按銃之棘輪機。便有一點之光由銃口而出。現於紙上。裝畢。伏案作一短訊。插入銃之彈室。微露於外。使人易見。復取一厚紙匣。納銃於中。呼僕送於伊蘭。且囑其勿言爲彼所贈。送至卽回。不俟復訊也。其僕受命而去。

是日。吾與伊蘭約瑟芬。方談論近日之種種怪事。緣何而生。瑪麗忽持一包入。謂送者已去。伊蘭見包上。標有陶糾伊蘭姑娘收啓字樣。知非誤送者。惟察其字跡。不辨爲何人手筆。啓之。則一紙匣。藏一手銃。式頗奇異。伊蘭詫曰。是果何人所贈耶。取銃反復而視。瞥見彈室中。插一紙捲。急取閱。則一訊也。略謂此銃能發光。彈所及處。在光之中。點乞留爲衛身之用。署名處不書姓名。但書友人而已。伊蘭頗以爲異。以訊授吾。吾曰。容吾詳視此銃。卽取銃而觀。見彈室下有一奇異之管。不覺呼曰。此似探光銃也。顧亦不卽決。伊蘭曰。吾當一試。約瑟芬曰。險哉。幸勿在此。伊蘭曰。盍試之地。窘於是。三人同入窘中。伊蘭扭明電燈。吾覓得一磁碟。置於木架上。將取銃向之。伊蘭笑奪銃去。戲謂吾曰。此贈吾之物。當讓吾先試也。彼執銃距碟數武而立。令吾扭滅電燈。乃舉銃向壁。轉棘輪。機果有光一點。現於壁上。更移銃向碟。光亦隨之。俟光點適當碟之中心。卽撥機發彈。砰然一聲耳。爲之震。吾扭明電燈。見碟已中彈而碎。始信訊中之言爲不謬。吾輩皆詫爲奇。伊蘭則連呼。

曰。妙。甚。

午後伊蘭乘汽車出游。行已至門。忽憶及探光銃。返取之。藏諸衣袋。登車而出。乘興疾馳。樂乃無藝。車近海濱。見野花怒開。綠陰遍地。風送花香。令人意遠。乃下車。擷取野花。信步而進。不覺已抵海旁。港中流水淙淙。一碧無際。便欲取石激水。爲戲。方迴身尋覓石片。瞥見石隙中藏一方匣。手挈之起。不覺自語曰。此何物耶。先是達耳摩亦於是日在海底之秘密軍港會議。謂其黨曰。吾人舉事以來。屢爲伊蘭所破壞。必死此女。吾輩乃安。卽舉案頭之方匣。旋其蓋上之紐。復顧一人曰。此炸彈也。汝攜之出。先藏於海濱山中之洞。今夜乘間置諸伊蘭之別業。屆時彈當自炸。其人謹慎受之。達耳摩復再三叮囑。其人卽御潛水衣冠。出至海面。藏匣石隙。不料竟爲伊蘭所得。是時適有黨人自海而出。見伊蘭攜匣。卽在海中注視。旋見伊蘭迴身。又沈入水中。伊蘭持匣。且行且語曰。吾必持示烏特瓦中將。卽登車而去。潛水者俟伊蘭行後。乃出而登岸。

伊蘭車抵臺爾堡。堡中兵士向之爲禮。伊蘭問中將在營否。兵士以在營答之。卽有一弁代伊蘭攜方匣導入。烏特瓦見其形色倉皇。急問何故。伊蘭示以匣。并告以故。且云疑是炸彈。烏特瓦視匣久之。曰。此非阿努爾。敎授不能知也。吾方賴彼爲助。可攜往游艇。令彼察之。惟吾適有要事不能偕行。伊蘭曰。善。復出堡登車而往。

時則達耳摩已由海底秘窟而至行舍。坐圖書室中。忽有人自暗門出。衣猶淋漓。皆水。挾盛於臂。謂達耳摩曰。炸彈爲伊蘭所得。攜之登車矣。達耳摩怒躍曰。惡魔何敢爾。此番吾必捕之。揮其人去。彼亦出。直至海濱亂山後。有所練之來復鎗隊。在達耳摩急命軍隊出捕伊蘭。衆聞命分投而出。達耳摩亦自執一來復鎗從之。行至大道。有人停車以待。達耳摩卽登車。更命一人在山巔瞭望。旣而瞭望者俯見山腰一汽車疾馳而至。有紅羽飄搖其上。極目望之。則伊蘭也。紅羽卽伊蘭冠上之飾。急揮巾以示山下之人。山跌本伏有一人伺察。見狀亦揚巾答之。奔向大

路適達耳摩之車自遠而來彼卽揚巾令車止狂奔而前啓曰伊蘭之車甫自山腰而過達耳摩應之卽蒙一黑帛所成之面具令曰速往捕而是時又有來報者達耳摩乃向其所指之路駕車疾行

是時吾適出游回旋山谷之間瞥見汽車將至吾前吾急引避以汽車行經山谷易出險也車中人忽向吾揮手吾視之始知彼爲伊蘭彼問吾曰君安往耶吾亦笑而言曰汝安往耶彼指車中之匣正色答曰吾於石隙得此烏特瓦中將囑吾齎示阿努爾教授吾料其爲炸彈無疑吾未及答倏聞來復鎗聲由林而出伊蘭冠羽中彈而折蓋達耳摩已追蹤而至隱身樹後以冠羽爲的向之發鎗也吾急命伊蘭偕吾同伏并鼓輪疾進第二鎗又發幸而不中此蓋達耳摩之黨所發者而達耳摩亦於車中發鎗吾更命伊蘭低伏且告以愈低愈佳達耳摩之車則力追不止此時達耳摩戴有面具吾固不之識也旣而達耳摩之車相迫愈近吾車已至狹路之兩旁左爲峭壁右臨山澗自念車果疾馳不幸墜澗亦無生理不

如與之奮鬪。猶有生望。繼又念及伊蘭所得之匣。必爲炸彈。卽起立舉匣。過首向後車。力擲。巨聲倏發。土石四飛。匣墮處已成一穴。後車雖未中。然以猛進之故。不及停止。竟陷穴中。車夫已墜。澗下吾與伊蘭幸有車蓋爲蔽。否則亦爲飛石所傷。吾見後車已覆。亦不復如前之疾馳。引首回顧。見戴面具者方臨澗俯視。蓋其車夫死矣。彼復舉鎗向吾車而發。少頃其黨追蹤而來。皆大驚異。達耳摩大呼。命衆發鎗。鎗如連珠。皆以吾車爲的。吾輩以爲相距已遠。斷非彈所能及。不料來一流彈。竟中輪旁之鐵板。板爲之毀。伊蘭倉皇無措。惟有速駛。其輪車亦時左時右。猛進不已。直至澗邊。吾引首回顧。見有多人自林中躍出。奔向吾前。戴面具者亦在其列。未幾而戴面具者忽顛。卽有二人扶之起。戴面具者曰。汝曹速追捕。但留一人侍我。吾將返潛艇矣。俟捕得彼女。報我可也。於是衆皆向吾輩而奔。吾與伊蘭見狀。駭極而竄。叢中又非車所能行。祇得舍車而步。竄入林中。藉叢樹爲蔽。踉蹌而前行。抵一洞。伊蘭曰。吾輩可以洞爲潛身之處。吾然之。卽偕之入洞。外有樹草。

雜生內極昏黑。吾趨起不進。轉身向洞口。而望見有二人。追至。急與伊蘭同伏。暗
隙藉洞口穿入之微光。見一人止於洞外。一人由洞而入。二人軀幹均偉。吾輩自
念此時舍力鬪外更無他策。但黑暗中鬪亦非易。方沈吟間。伊蘭急探囊取一物。
授吾。低語曰。此探光銃也。吾急受之。轉棘輪機。光點立現。吾猶以不能中的爲慮。
而追者適入光點。恰當其胸。乃急發彈。追者應聲而倒。吾更向洞外之人發銃。其
人驚躍。墮鎗於地。而手已傷。急逃匿樹後。吾在洞中凝神靜聽。并向外而視。似洞
外已無人在。伊蘭欲偕吾衝出。吾從之。卽躍出洞外。果無人也。急奔至山下。徑向
海濱。旣而阿努爾之游艇已在望。吾輩卽沿海港而行。有小摩託船泊焉。艙外立
一水手。伊蘭問曰。此爲阿努爾教授之船乎。水手本識伊蘭者。頷首曰。然。伊蘭曰。
阿努爾教授在游艇乎。水手又答曰。然。欲見彼耶。吾載汝往。於是吾二人同登摩
託船。向游艇而發。

阿努爾教授。方坐於甲板上。柳條所編之椅。見吾輩至。極表歡迎。惟戴有極巨之

墨色眼鏡。其面目終不能了了。相見後。態度亦甚拘謹。伊蘭詳述所遇之種種。述及探光銃時。彼忽舉手微嗽。向後而唾。吾窺其狀。似藉此以掩其得意之態者。繼又凝神傾聽。吾卽倚欄觀水。忽見有物飄泊水面。狀似一竿。圍有水沫。吾呼曰。視之。此何物。歟。伊蘭聞言。迴身而視。詫曰。此物似向吾舟而來。阿努爾立取遠鏡望之。呼曰。天乎。此潛水艇之望遠鏡也。急命舟人以舟下駛。

先是吾輩由洞奔出時。洞外傷手之人。於樹後見之。是時彼已以巾裹傷。俟吾輩行稍遠。方欲取鎗瞄準。而手痛力弱。竟不能自舉。其鎗不覺。恨恨惟遙。尾吾後。以覘所向。迨吾輩登摩託船。渠知吾輩必赴阿努爾之游艇。乃疾行而至海底之軍港。時則達耳摩已在港中之秘密會所。因汽車之覆。受創頗劇。惟骨未斷耳。其黨方爲治療。而傷手之人已入。達耳摩見其以巾縛手。問焉。其人具以告。且曰。不知何人以探光銃授彼。達耳摩貌本獐惡。斯時怒極欲狂。愈覺可怖。急問曰。若輩安往。其人答曰。吾見其往阿努爾之游艇。達耳摩呼曰。探光銃必阿努爾所授。又獐

笑曰。今可一網打盡矣。速命G字九十九號潛艇出發。衆聞命皆出至石岸。入潛艇之艙。最後達耳摩始至。卽下令閉艙。自撥發電機。艇卽顛動。徐徐沈入海中。穿海底石門而出。彼更就望遠鏡而坐。以目近鏡時。旋轉窺探海面。蓋望遠鏡者潛艇之目也。旣而窺得阿努爾游艇所在。自語曰。在是矣。乃以潛艇直指游艇而行。衆皆趨向魚雷發射管。達耳摩又曰。彼艇下駛。殆已知吾艇之來。然以魚雷擊之。則甚易。已備乎。衆應之。卽推魚雷入一鎖形之室。達耳摩呼曰。縱之。魚雷應聲而發。直指游艇。

吾見潛艇之望遠鏡較前愈近。向阿努爾問曰。吾舟能趨避耶。阿努爾搖首旣而曰。摩託船較此爲迅。當速離此。言已。急引吾輩降梯入摩託船。并令游艇水手同下。惟船窄人多。幸距岸不遠。乃命善泅者泅而登岸。是時摩託船尙未開行。伊蘭遙見海中有物狀似雪茄。直向游艇之腹而來。水面爲之墳起。指問阿努爾曰。此何物耶。阿努爾驚呼曰。魚雷也。吾舟速行。舟人遂鼓輪猛進。離游艇未遠而游艇

之腹已爲魚雷所中。波浪高擁空際。如水柱然。游艇掀起。復墜於海。已裂爲二。達耳摩在潛艇遠鏡中見之。不覺歡呼曰。若輩無噍類矣。更迴身爲衆人道賀。復向遠鏡而窺見摩託船。無恙。知吾輩已逃。憤極。急命更發魚雷。少頃魚雷又自發射。管出波浪。漸漸作聲。摩託船適當其衝。轉瞬將至。吾見之。呼曰。又一魚雷來矣。阿努爾急舉目而視。更奔向舵樓。力把其舵。向右閃避。吾舟甫轉。而魚雷已來。既無所觸。卽直衝而下。舟在其後。吾輩之心。乃少慰。值死生呼吸之時。竟轉危爲安。非阿努爾之力。曷克臻此。繼乃鼓足機輪。以舟向岸。迨既登陸。吾輩乃共慶生還。時則水面之望遠鏡。已不可見。想潛艇去矣。然遙望海中。猶覺股慄。

第九章 活繩

距紐約不遠。有地曰神洲。湄中有旅館。依山瀕海。占林泉之勝。每屆夏令。則開幕。誠避暑之勝地也。某日清晨。一美婦人。獨攜數箱。別無婢媪。似老於行旅者。行裝甫卸。卽乘其自有之摩託車。至達耳摩之行舍。達耳摩殷勤肅入。禮貌頗摯。足見

其倚畀之隆。寒暄畢。達耳摩謂曰。吾欲夫人納交於伊蘭。彼所好者在時樣之衣服。倘能誘至神洲。則吾謀可遂。至用何法誘之。使至夫人之智。固足以及之也。婦應之。告別而去。

婦何人乎。卽賴倫夫人也。彼抵伊蘭別業時。時已逾午。吾因是日天氣涼爽。方與伊蘭在球場。作網球之戲。先投球拍以定位置。各占一區。甫欲投球。而賴倫入。先是賴倫入門。約瑟芬適在廊下。彼向約瑟芬爲禮。自報姓名。僞稱彼爲衣服商。往來巴黎紐約間。其肆則分設於紐約之第五街。及派克司路。因時屆夏令。貴家婦女。至海濱避暑。恆以入市購衣爲煩。遂來此設一短期交易所。所攜者皆新自巴黎。逆來最合時樣之服。願邀伊蘭一觀。約瑟芬乃指球場。令彼自往。彼入球場後。卽向伊蘭萬福。笑曰。姑娘在此行樂。耶。能否許我作片刻之談話。伊蘭乃停球弗拍。彼取名刺。授伊蘭手。更以告約瑟芬者告之。伊蘭意爲所動。問曰。衣已運至此地耶。賴倫曰。然。吾寓神洲。涓之旅館。衣服已陳列矣。伊蘭曰。妙哉。吾必往觀。繼又

與之閒話。當彼於伊蘭言時。吾則遙立。略聞數語而已。吾此時球興頗濃。而彼則刺刺不休。不復能耐。乃趨問伊蘭曰。爾忘却拍球耶。伊蘭微笑曰。乞君恕我。吾所有之衣服。皆不入時。今幸有機可購。且價廉也。言已。卽偕賴倫出告約瑟芬。將往購焉。賴倫請伊蘭於三時往。彼先登車而行。吾乃俟其出。復就伊蘭邀其重作球戲。伊蘭笑曰。吾此時意在新衣。頗以卽得爲快。無暇及此。乞恕我。吾知其拍球之興。味已爲彼婦所奪。乃不更言於此。可知區區之事。成敗亦關前定。非人力所能強也。彼逐逐於名利之途。欲以人定勝天者。徒自苦耳。吾乃決意出游。以消遣入室。易服出至廊下。伊蘭將登車。卽曰。吾可偕行耶。伊蘭不可。蓋以購衣時。須盡脫外衣。試其合體與否。彼不欲其相服爲吾所見也。吾知其意。遂不復語。俟彼登車。卽乘馬而出。

賴倫既出別業。復至達耳摩之行舍。侍者導入圖書室。謂之曰。主人已他出。瀕行時。曾留語。謂夫人儻至。乞留一訊。賴倫乃伏案書數語。疊而置之案頭。侍者送之。

登車甫出室門而室之後窗忽啓一人踰窗入其人似博物家載極巨之灰色眼鏡囊中藏有捕蝶網及標本箱箱長六寸當賴倫初詣達耳摩時彼方在行舍左近捕蝶見賴倫之摩托車過其前頗爲注意潛窺其車之號數尾之而進迨賴倫復來行舍彼又尾之見其入門急繞至屋後俟侍者與賴倫出室乃以長柄小刀啓後窗之門踰窗入既見案頭之訊展而視之文曰一午後…神州涓…吾寓…賴倫一閱畢疊置原處忽聞窗外有足音則侍者送賴倫登車而返也博物家卽踰窗出伏林後侍者入室見後窗已啓詫曰吾今日似未啓此窗奈何啓耶引首窗外四顧無所見卽閉之博物家乃悄然而行直趨神州涓之旅館賴倫既返旅館啓箱取衣陳列屋中擇其尤入時者陳於最易觸目處時則博物家已坐於旅館中事務室後之穿堂蓋自達耳摩行舍出後卽潛蹤來此翻閱旅館之名簿知賴倫居二十二號室卽進至穿堂而坐案頭適有報紙彼卽取閱未幾達耳摩亦由穿堂入博物家以報紙遙蔽其面達耳摩竟不之覺直赴賴倫之

室。賴倫方在室中佈置。聞叩門聲。知達耳摩至矣。卽啓門納之。達耳摩謂曰。吾已見夫人之訊。因來此耳。遂密授以計。

伊蘭車至旅館外。下車入行經穿堂。博物家見之。卽遙尾其後。伊蘭遂登樓。賴倫聞足音。謂達耳摩曰。必彼來矣。達耳摩曰。然。卽趨複室。而伊蘭已叩室門。賴倫肅之人。欣然道歡迎意。并曰。吾來此。尙無他客。惠顧何幸。姑娘寵臨。倘有所需。必特廉其價。藉酬雅意。卽取一衣示之。衣絕鮮美。伊蘭大悅。撥以手曰。能令吾著之於身一試。修短乎。賴倫曰。此固事所必然者。屋無他人。請卽著而試之。伊蘭乃脫舊衣。取新衣而著。賴倫從旁爲助。當伊蘭取衣加首。以手套入兩袖時。賴倫忽猛執之。卽以衣掩其面。并掩其口。使不得聲。達耳摩亦出自複室。合力縛伊蘭手足。裹以絨氈。趨至窗前。召其樓下之黨。蓋達耳摩預命其黨三人。伏於車中。車停旅館牆外。旅館本建於高阜之上。停車之處。地頗高凸。距窗不遠。此時四顧無人。卽由窗中縋伊蘭下。車中人置伊蘭於車底。鼓輪疾馳。

博物家既尾伊蘭登樓。遙伏迴廊下。以覘動靜。久之。見達耳摩偕賴倫出。而伊蘭不見。疑之。卽行近二十二號室。取百合匙啓門。仍不見伊蘭之跡。惟見其衣凌亂在地。知必爲人所劫。繼見窗門洞開。度必由此而出。乃由窗躍地。俯視果有車轍。急趨旅館旁。登伊蘭之車。循轍追之。是時吾正緩轡閒游。寥寂無歡。預料伊蘭亦當卽歸。乃縱馬以迎。而馬忽驚躍。蓋有小摩託車。閃過吾前也。御者吾不識。然識其爲伊蘭之車。吾意必匪黨。趁伊蘭在旅館中竊其車耳。策馬力追不已。

達耳摩之黨。旣以車載伊蘭。由僻徑馳入荒野。最後停於空宅之旁。旁有林叢。卽在林叢下車。挾伊蘭入屋。囚於樓中。伊蘭已暈。若輩去其覆面之衣。使通呼吸。更緊縛手足。俾弗能逃。鍵門而出。三人立前門外。以待達耳摩之來。博物家已追蹤而至。彼蓋循車跡。而至林外之窄徑。卽舍車而步。入此林叢。見林旁有宅。三人立於門外。知爲達耳摩之黨。竊料伊蘭必在屋內。乃繞至宅後。推其後門。門已加門。無法可啓。見屋隅有簷溜之管。援之而登。迨至樓頂。蛇行而進。然亦無法可以入。

屋。惟。聞。有。聲。自。樓。中。出。急。啓。囊。中。之。標。本。箱。箱。所。藏。者。非。昆。蟲。標。本。實。奇。異。之。遠。鏡。爲。一。可。以。伸。縮。之。管。連。綴。而。成。伸。之。則。長。縮。之。則。短。管。端。裝。有。返。光。鏡。彼。伸。其。管。自。簷。垂。入。樓。中。矚。目。於。管。之。一。端。窺。之。果。伊。蘭。也。斯。時。伊。蘭。已。醒。雖。坐。地。力。掙。終。不。能。脫。其。縛。博。物。家。藏。鏡。於。箱。匍。匐。而。行。由。簷。溜。之。管。下。至。屋。後。伏。地。舉。鎗。向。林。而。發。急。趨。避。前。門。外。之。三。人。聞。宅。後。忽。有。鎗。聲。循。聲。奔。往。杳。無。人。跡。但。見。彈。烟。裊。裊。林。際。以。爲。發。鎗。者。必。在。林。中。奔。入。搜。覓。當。三。人。繞。至。屋。後。時。博。物。家。已。由。前。門。入。登。樓。直。至。先。在。屋。頂。所。見。之。室。取。百。合。匙。啓。門。謂。伊。蘭。曰。勿。聲。實。則。伊。蘭。此。時。亦。悸。極。不。能。成。語。博。物。家。卽。爲。之。釋。縛。低。語。曰。從。吾。來。伊。蘭。從。之。博。物。家。下。樓。向。前。門。而。視。疾。趨。入。廚。啓。後。扉。謂。伊。蘭。曰。汝。速。行。吾。留。此。爲。備。伊。蘭。如。言。奔。出。後。扉。復。閉。

達耳摩乘馬向空宅而來。行近林外。見一車停焉。然非彼之車也。疑而下騎視之。自語曰。此伊蘭之車。胡爲在此耶。卽取銃於手。適當博物家在宅後發銃之時。達

耳摩陡聞鎗聲。急奔而前。與其黨三人。遇於林中。達耳摩厲聲問之。三人惶急。同聲答曰。聞宅後有人發鎗。因尋覓至此。達耳摩曰。蠢哉。汝曹中人計矣。速歸視彼女。三人應聲去。達耳摩又呼曰。巴屈律。之即三人隨我來。巴屈律乃從之。繞屋行。行至屋角。遙見一人奔入林叢。卽伊蘭也。巴屈律驟步追之。向之發鎗。伊蘭驟聞彈聲。砰然自頂而過。知追者在後。駭極向森林而奔。巴屈律狂追不已。達耳摩恐爲伊蘭所見。緊隨巴屈律之後。伊蘭逃出林外。又爲溪所阻。水深流急。不能飛渡。而追者且至。幾於怖極而號。幸岸旁有一小舟。急躍登其上。解纜盪槳。駛向對岸。但水勢湍急。槳雖力盪。終不能達。不得已。乃順流而下。以爲卽此。亦可與敵漸遠。不料槳忽中彈。折而爲二。蓋達耳摩偕其黨追至水溪。見伊蘭駕舟而逃。遂發鎗擊之。誤中其槳也。伊蘭緊持斷槳。狂駭無似。惟有聽舟所之。舟被水衝。其疾如矢。旋聞巨聲自遠而至。舟距瀑布近矣。

吾更叙博物家矣。當黨人奉達耳摩之命。返宅覓伊蘭時。博物家伏廚屋中。見二

人急急登樓。潛尾其後。俟若輩入室。乘其不覺。急鍵其門。疾行下樓。由前門出。直入森林。抄捷徑。以向伊蘭所行之路。迨至溪上。見有瀑布。下爲深谷。更有急湍。流向谷中。倏聞上流鎗聲。忽作與哭聲相雜。極目望之。哭者則伊蘭也。坐小舟中。逐流而來。彼方驚顧。忽有樹枝搖動。聲出於其後。則吾自林中出也。吾欲窮追。竊取伊蘭汽車之人。遂追蹤至此。見彼立溪上。突前執之。彼奮神力。猛執吾腕。卽指上流。謂吾曰。視之。吾急引睇。瞥見伊蘭。狀甚危急。當吾在林中時。亦聞鎗聲。啼聲。但不知啼者卽伊蘭耳。今乃見之。此時伊蘭距瀑布已近。吾私心竊計。倘此小舟衝入瀑布。旋渦舟觸石壁。必碎如微塵。伊蘭雖善泅。而瀑布猛衝而下。具雷霆萬鈞之力。必衝其身。沈至谷底。不覺大震。博物家喘息言曰。吾能救渠於厄。但爾須惟吾所命。吾向之頷首。彼指巨石令吾登焉。吾從之。此石懸生一樹。彼立樹杈間。謂吾曰。吾將以足鉤樹。而以手持爾。足俾爾得俯近水面。俟渠舟過此。爾援之。起。吾力健。毋怖也。吾雖知茲事絕險。惟救伊蘭心切。卽亦弗恤。乃移步就彼石。滑幾弗。

能步匍匐而進。彼卽緊握吾足。懸吾身而下。而伊蘭之舟已疾駛而來。伊蘭在舟呼號不止。吾卽呼曰。伊蘭鎮定。吾在此。汝速攬吾之臂。伊蘭見吾神頓旺。卽立於舟中。瞬息已至。吾前伊蘭略一上躍。握吾之臂。然未握牢。隨握隨脫。幸其臂已爲吾所執。博物家漸曳吾身。使上。吾以爲博物家之腕力安能勝吾二人之重量。必同歸於盡。孰知彼力絕偉。竟曳吾至巨石上。吾身既有所憑藉。乃力援伊蘭。博物家復在後力助。遂相率登岸。當吾輩未登岸時。小舟爲浪所擁。已觸瀑布後之石壁而碎。倘非博物家伊蘭同殉矣。惟此博物家絕奇特。彼於吾輩登岸後。乘吾輩不覺。卽竄入林中。而杏伊蘭命吾呼之返。吾雖力呼而彼不應。伊蘭歎曰。彼拯吾命。不待吾謝。竟揚長去矣。果何人耶。吾不知所答。默然相對而已。

第十章 電光攝影

海峽左近有一茅屋。屋前坐一漁父。引睇遙望。忽見一騎方欲趨避。倏而中止。騎者爲臺爾堡之兵。過漁父前。擲一函於地。不顧而去。漁父拾函視之。文曰。

阿琴爾教授鑒。有斯密者。足微跛。陸軍部書記也。忽攜山黛和克最新海防圖而遁。度其必乘火車來此。附呈彼之肖像。乞君跡之。烏特瓦啓。

漁父凝視肖像。有頃。卽入屋易裝。迨其出屋。則鼻架風鏡。脣飾短鬚。儼然一車夫矣。

同時達耳摩在行舍中。亦得一電訊。時則彼方回憶從前種種之失敗。懊喪欲絕。得訊始有喜色。啓視之。略謂所需之物。已在掌握。祇須對驗指環。卽可交付。署名斯密。達耳摩閱竟。猶笑曰。金錢之魔力偉哉。

康耐肯吉海濱之車站。從前接客之車。惟馬車四輛。今則馬車祇餘其二。而二爲汽車。是日又來一按程計值之汽車焉。如上海野雞馬車之車夫卽數十分鐘前。坐於海峽之漁父。先至之車夫。見其來。咸疑嫉意。蓋同業相妬。人情之常。然此喬妝車夫者。初不因此而慚沮。且趨近若輩之前。謂之曰。吾來亦暫迎某客耳。言已。遂探囊出四紙。上書客之姓名。與四車夫曰。吾所接者。卽此人也。衆遂不復措意。而火車汽

笛之聲。已由遠而近。未幾。車聲隆隆。停月台下。車夫方奔而接客。喬妝者則翹足而望。旋見一婦。身御孝服。面蒙厚幘。自車而下。微有跛意。喬妝者即趨而前。車夫因有預約。不與之爭。婦亦信之。不疑。遂登車。謂曰。詣達耳摩行舍。喬妝者應之。疾驅而往。既至。婦下車。謂曰。汝少待。吾即返車站。將趁四時二十九分之火車。回紐約也。言已。按門鈴。侍者導入圖書室。達耳摩見之而疑。以爲斯密本男子。何以來者。又爲婦人。婦亦向之問曰。君即達耳摩先生耶。達耳摩應曰。然。婦乃舉手示以指環。達耳摩亦伸左手以指環示之。但二環實非同樣。婦即脫環。加於達耳摩之指。自揭面網。達耳摩視之。則斯密也。不覺喜曰。妙哉。斯密自衣囊中取圖出。達耳摩急急展視。圖中所繪。爲紐約與山黛和克二者之間。海中一小洲。凡防禦地點。靡不詳載。斯密口講指畫。達耳摩亦屏息而聽。神不旁騖。不虞喬妝之車夫。在窗外竊窺也。蓋喬妝者。於斯密入後。即躡足至窗外窺視。雖盡知秘密。究亦無法可施。乃退至門外。籌畫良策。忽見一摩託車。自遠而來。頓生一計。即趨近其所御之。

汽。車。揭。其。篷。僂。車。旁。從。事。修。繕。當。來。車。將。至。時。故。橫。身。以。阻。其。路。來。車。立。止。其。機。然。已。無。及。竟。撞。之。仆。

來。車。所。坐。者。卽。吾。與。伊。蘭。也。是。日。午。後。天。霽。而。爽。伊。蘭。將。出。而。購。物。命。吾。登。車。以。俟。少。頃。伊。蘭。攜。手。囊。登。車。車。遂。發。不。期。而。向。達。耳。摩。之。行。舍。見。其。表。門。外。有。一。汽。車。停。焉。車。夫。當。路。而。立。伊。蘭。頗。惡。之。而。車。夫。又。橫。過。吾。前。無。意。中。遂。觸。之。倒。吾。與。伊。蘭。皆。大。驚。急。下。車。視。之。似。知。覺。已。失。者。卽。入。門。呼。達。耳。摩。之。侍。者。同。昇。入。室。時。則。達。耳。摩。方。偕。斯。密。在。室。中。觀。圖。見。吾。輩。昇。傷。人。入。急。捲。圖。插。於。書。架。而。露。其。端。於。外。吾。等。卽。昇。車。夫。置。於。書。架。旁。之。榻。榻。旁。有。一。案。伊。蘭。置。手。囊。於。案。頭。具。告。達。耳。摩。以。故。達。耳。摩。允。召。醫。士。爲。之。醫。治。吾。見。傷。者。神。頗。委。頓。卽。謂。達。耳。摩。曰。君。有。提。神。藥。否。盍。先。與。服。達。耳。摩。卽。轉。身。趨。壁。櫥。吾。輩。皆。回。身。注。視。斯。時。室。中。人。皆。背。車。夫。而。立。無。一。注。意。於。彼。者。彼。卽。乘。間。取。書。架。上。之。圖。納。入。伊。蘭。之。手。囊。舉。動。神。速。如。電。光。之。一。閃。微。獨。吾。輩。弗。覺。卽。達。耳。摩。亦。弗。覺。也。方。取。藥。出。而。侍。者。入。告。謂。

已以電話延醫。醫卽至矣。達耳摩卽告伊蘭。且曰。願任看護之責。姑娘如有他事。可先行也。伊蘭謝之。遂與握別。覺爲達耳摩之指環所觸。笑問曰。何來此異樣之環。復帶笑窺此喬妝之婦。達耳摩向之搖首微笑不答。於是伊蘭取其手囊。偕吾登車鼓輪徑去。

達耳摩送吾輩出門。返至圖書室。急覓其圖。圖已無有。問諸斯密。斯密亦未審。大駭。乃疑及榻上之車夫。自念平日在車站或村市中。未嘗見彼。因俯視之大呼曰。其鬚僞也。必惡魔所喬妝。語未畢。而車夫持銃突起。叱曰。舉手。敢動者死。二人遂不敢動。車夫先趨斯密。揭其面網。更搜達耳摩之身。取其銃。復檢斯密之衣囊。見無利器。脫其面網。假髮擲之於地。是時適有黨人在壁中暗門內傾聽。略啓一隙。而窺見狀。悄然啓門。躡足入。達耳摩與斯密見之不覺竊喜。車夫本背暗門而立。見二人顏色有異。急回首而來者。已向之猛撲。乃立發其銃。擊其人。倒達耳摩與斯密。卽乘間而起。與之惡鬪。室中器具皆破損。而車夫搜得之鎗。旋亦被擊墜地。

卽舉椅以擲斯密斯密退却彼遂乘隙逃至室外達耳摩拾銃擊之而室門已閉蓋車夫出卽閉門奔至表門外登車車未及發達耳摩已至車夫舉銃而發雖未中達耳摩而斯密已駭而倒地自語曰吾已爲彼覷破矣達耳摩及後至之人仍狂步向車車夫擊脫達耳摩之手銃撲後至之人倒車乃疾馳達耳摩竟手扳車後蛇行而向車沿斯時車如電掣達耳摩更匍匐行向車前車夫覺車之一旁勢有偏重轉身視之達耳摩卽向之躍撲車夫一手扳機一手相格達耳摩手執護輪之皮管力鬪不休

是日吾與伊蘭連殊蹇不如意事相逼而來自達耳摩行舍出後未五分鐘忽聞車機震動聲似已破損吾歎曰機又壞矣卽停車道旁從事修繕車油濺吾面狀乃如魅伊蘭大笑曰吾將塗粉於汝鼻俾黑白分明藉增汝美吾聞言頗慍而彼已啓其手囊忽驚呼曰此何物耶吾視之則一地圖伊蘭以圖授吾見其中繪有營壘吾亦不能恰指其地卽曰容吾修竣此車速回別業可也未幾車已行動如

常。吾喜曰。已畢事矣。乃取一布片。擦去手上之油污。伊蘭偶一回首。忽呼曰。此何事耶。吾循其所視處視之。後有汽車疾馳而來。車上有二人相鬪。車行至迅而鬪不止。似置生命於不顧者。更凝睇而視。則一爲達耳摩。一卽吾車觸倒之人。不覺驚異。旣而車經吾車之旁。車夫向達耳摩猛擊。達耳摩立足不牢。搖搖而墜。然猶向車發銃。車已飛駛而去。吾與伊蘭皆趨前問故。達耳摩飾詞以對。吾手中所執之圖。已爲彼所見。彼佯爲不注意者。伊蘭謂曰。吾將以車載君歸也。達耳摩強笑謝之。卽同車而行。

吾車去後。喬妝者之車。行至一板屋前。回顧已無追者。乃下車。惟車輪之護管。已中彈而裂。彼亦肩中一彈。方繞破輪而視。忽倒地而暈。蓋失血多矣。時則達耳摩所召之醫。方乘車馳赴行舍。行經其前。見狀。停車而下。昇之入屋。置於臥榻。匆匆診治。謂其侍者曰。所傷匪劇。但失血多。須靜養耳。

達耳摩旣借吾輩同抵別業門外。伊蘭邀之入。吾入室。卽藏圖於案屨。鍵焉。達耳

摩方與伊蘭立談時。以眼角竊窺吾之所爲。似有喜色。吾向之問曰。君此時自覺力體若何。達耳摩曰。勝前多矣。於是取時計一觀曰。吾有要事。卽需返舍。乃告別。吾輩亦更衣進食。食已。吾與伊蘭議。謂所得地圖。必關緊要。決計於明日。送至華盛頓。吾又慮今夜。或被入竊。甚或危及吾輩之生命。陡憶克雷攝影鏡。猶在吾處。盍卽師其故智。藉資防衛。乃登樓取鏡。并一包。裹伊蘭向吾問故。吾以指壓唇。令勿聲。蓋恐屬垣有耳也。斯時雖非深夜。而鄉村中。天氣已困人。欲眠約瑟芬。先就寢。伊蘭又向吾而問。吾慮此鏡。或竟不驗。必爲所笑。仍不告之。彼微慍曰。然則任君獨爲其秘。亦拂衣而入。臥室。吾乃啓包。取一圈之電線。及乾電瓶。出復趨案。啓屜。藏圖於身。以爲此鏡。卽或無效。而圖在吾身。匪吾被捕。彼不能有也。於是裝置電線。由案。屜。引線。循地。毯。之。邊。直。至。書。櫥。而。於。櫥。中。置。一。攝。影。快。鏡。以。書。蔽。之。少遠。則。藏。一。發。光。盤。細。心。對。準。攝。影。器。使。其。聚。光。點。適。在。案。屜。之。上。繼。則。以。線。連。於。攝。影。器。之。門。其。一。端。則。聯。於。發。光。盤。上。之。導。火。機。輪。更。有。一。器。以。司。攝。影。器。光。門。

之啓閉最後乃以發光粉滲於發光器上但使人抽動案屨其影卽爲所攝凡所佈置皆恪遵克雷成法既畢乃扭滅電燈登樓入寢坐而假寐以覘樓下之動靜既而倦不能支卽和衣而臥取書觀之藉以破睡惟已倦極閱未數行竟入睡鄉書亦拋地無何忽爲炸裂聲所驚醒傾耳而聽聲似出於發光器者知盜圖者至矣急取銃飛步下樓入室扭明電燈見有人影穿窗而出吾憑窗外視其人已竄入林叢而遁。

先是達耳摩歸後卽籌思盜圖之策直至夜分乃取帽深覆額際兩耳亦爲所掩更攜面具囑侍者數語乘汽車出由僻徑而行慮汽車之燈爲人所見也迨至伊蘭別業見月光甚朗乃取面具戴之竊啓其窗踰窗而入寂無聲息雖穿窬之盜恐亦無此技也既入室先略視一周繼乃躡足趨案力啓案屨倏聞有聲叮然一炫目之光照於其面雜以微烟彼知爲秘密攝影急躍案旁舉手掩面倉皇四顧以覓攝影鏡所在忽聞吾之足音乃踰窗出而吾已入吾憑窗既無所見卽向外

舉銃似聞有詛咒聲。鎗聲隨之。彈中破窗適當吾頂。吾急伏地。因窗中之光足爲敵人之的也。斯時伊蘭亦聞聲下樓。吾告以故。并曰。吾已用克雷之法。攝影矣。於是折去攝影器之電線。而取其鏡中之片。登樓至暗室。顯以藥水。未幾全形畢現。吾取片就燈下照之。伊蘭亦與吾同觀。見所顯者爲一戴面具之人。以手掩面。吾呼曰。吾術驗矣。伊蘭目注玻片。微震而呼吾問焉。伊蘭曰。視之。指環。吾聞言。凝視果有異樣之環。在其人之小指。伊蘭又曰。君不憶乎。今日午後。固見達耳摩御此環也。吾愕然不答。然已由此得導線矣。

第十一章 電席

翌晨。吾與伊蘭。回思昨夕。駭憤交并。卽持攝影。示約瑟芬。約瑟芬不審爲誰。問曰。果何人耶。伊蘭曰。吾誤矣。櫥固未嘗見此環也。吾則賴有此環。始識其人耳。彼卽達耳摩也。約瑟芬驚顧。似以伊蘭之言爲妄。伊蘭曰。吾言至確。昨日在彼行舍。見其御此指環於指。約瑟芬曰。今將若何。伊蘭曰。當報警局。捉將官裏去。吾輩且行。

且語已至迴廊。伊蘭見一人自外至，謂吾曰：達耳摩之侍者至矣。語未畢而侍者已至。其前向伊蘭鞠躬，取訊呈閱。伊蘭閱之，復授吾手。吾閱其文，略謂：余研究克雷失蹤案，已得端緒，且甚緊要，倘借哲梅生惠臨，當盡舉以告。下署達耳摩之名。伊蘭問吾曰：君願往乎？吾因昨夕達耳摩爲吾所敗，頗輕之，直應曰：吾願往也。伊蘭卽謂來者曰：返告爾主，吾輩卽至。其人鞠躬去。約瑟芬趨問何事，伊蘭示以訊。約瑟芬曰：汝曹奈何？允其請耶？伊蘭曰：往亦何害？約瑟芬曰：究以不往爲宜。須知此爲彼之詭計。吾驛言曰：吾固知之，然彼之技倆不過爾爾。吾此時膽忽壯，竊念伊蘭之智能燭幾先，今亦與吾同意，必無危可慮。且以昨夕之勝覺達耳摩終非吾敵，卽有如達耳摩者數人，吾亦弗懼。遂決意欲行，更抽銃而舞，以買其勇。約瑟芬雖有先見之明，苦口力阻，吾輩皆不之聽。伊蘭卽入室更衣，半句鐘後，吾與伊蘭同出。約瑟芬仍力諫曰：達耳摩將不利於汝輩，避之猶恐不及，敢入虎穴。耶伊蘭曰：媿母勿掃吾興，彼誠巨猾，惟克雷旣已失蹤，偵探之責非吾與華邇德莫屬。

言已。卽偕吾跨馬而行。

是晨。達耳摩既命侍者送訊於伊蘭。又念破壞海港橋梁事。萬不可緩。更作一書。書有數字。非外人所能喻者。文曰。

紐約之緊防。務速行事。否則恐被破獲。

書畢。授斯密讀之。命其卽送總會。蓋斯密猶在其行舍中也。斯密受訊。將由前門出。達耳摩呼之返。曰。爾此行宜慎。恐爲人所見。當由隧道行。卽啓暗門。斯密行至隧道外。四顧無人。急趨大路。當行近溪橋時。橋上立有一人。氣度雍容。方憑欄俯觀。流水瞥見斯密。急隱樹後。迨斯密過橋行少遠。乃自樹後出。遙尾之。其人卽阿努爾。授斯密行至車站。開往紐約之車。已將至矣。俟火車近站。羣客登車之時。彼於人叢中。排衆入。忽一警士。拍其肩。曰。汝毋行。斯密驚顧而遁。先是阿努爾於行抵車站之前。選有幹練之警士二人。告以斯密之貌。命捕至神洲湄旅館中。彼所居之室。警士應之。乃趨車站。是時斯密陡見警士。卽奔向站中之行李房。警士

力追。一人自後踢之倒。又一人亦至。乃同執斯密。械其手。旅客見之。咸以爲異。阿努爾返至旅館。啓門入室。脫帽當案而坐。案頭羅列化學器械。至夥。更燃火吸煙。狀似焦灼。未幾。聞叩門聲。起應之。兩警士挾斯密入。阿努爾搜其身。得一訊。卽達耳摩致總會者。急視之。內有「E」與「I」二字。不得其解。乃命警士拘斯密去。仍苦思力索。始知「E」爲仇美會之縮寫。而「I」則馬丁之縮寫也。卽取新發明之傳電攝影接受器。出器爲多數之線輪。與一異樣之硝質電瓶。暨乾電池相合而成。所謂傳電攝影者。接受器外。更有傳電器。無論二器相距若干遠。祇須聯以電線。更以人之像片置之。傳電器中。卽藉電光之力。將肖像之影。傳至接受器。留影於片。不可磨滅。時則阿努爾持器入電報室。司電報者。固曾奉電局之命。受阿努爾之指揮也。阿努爾卽取一電訊。令其拍發文曰：「美國陸軍部鑒。乞以二年前所捕仇美會首領馬丁之歷史見告。并電示像片。」署名阿努爾。發電未幾。而覆電卽至。文曰：「馬丁已於六月前。自黎芬物堡逃往歐洲。像片卽電達。」署名爲愛

德樺。阿努爾閱畢領首。乃裝置接受器。其傳電器。則在華盛頓之陸軍部。亦阿努爾所裝設。以備不時之需者。部中書記得電後。即從事佈置。置馬丁之像於器。此間之接受器。乃鏘然作聲。阿努爾知電影將至。凝睇視之。司電報者亦環之而立。呼曰。奇哉。現一人面。既而愈現愈真。阿努爾俟攝影既畢。取片觀之。果達耳摩也。不覺欣然。自語曰。竟不出吾所料。

達耳摩方在圖書室。與其黨計議。侍者返。謂吾與伊蘭即至。達耳摩大喜。指電氣機關。謂其黨曰。設於何處爲佳。且言且行。行至室門。手轉門球。曰。當以電線通至此處。即命人戴像皮手套。藏電氣機。關於地板下。以電線緣壁底牽至門球。更設一鋼絲織成之席於門闕內。而以電線聯之。凡由此門出入者。必踐席而過。又設一電氣啓閉機於室隅。障以厚幕。使人不覺。祇須啓閉機。一啓。電流即通至門球。與鋼絲之席。有履此席者。必中電。而僵佈置既畢。而吾與伊蘭已至門外。吾此時亦稍有躊躇。惟已勢難中止。下騎按門鈴。門者人報。達耳摩命司電氣啓閉機者。

曰。勿動。亦勿聲。相機行事。可也。其人應之。乃命侍者導吾輩入。達耳摩向吾輩道。晨安。吾與伊蘭就座。後皆強持鎮靜。達耳摩亦似行所無事者。卽談論克雷失蹤事。彼謂克雷已死。捏詞爲證。刺刺不休。

斯時達耳摩之侍者。因事過廚下。偶矚窗外。見有軍士潛行樹後。初似不以爲意。繼乃大疑。急書數字於紙疊之。而握於掌中。立趨圖書室。時則達耳摩雄談未已。侍者入。密授以所書之紙。吾微窺之。見達耳摩略有驚色。以紙還侍者。而向之頷首。示意。吾心知有異。卽手按囊中之銃。侍者忽舉手向吾輩道。歉。吾見其狀。殆藉此以號令他人者。自念事已至此。不如先發制人。卽奪侍者手中之紙。達耳摩立躍而起。更有一人自幕後躍出。吾舉銃擬之。叱令舉手退至窗隅。若輩如命而退。吾以所奪之紙授伊蘭。讀伊蘭朗誦曰。屋被兵圍。吾呼曰。必烏特瓦也。

先是約瑟芬於吾輩行後。愈思愈懼。繼乃思得一策。呼堅寧以汽車出。可數分鐘。而汽車已在門外。約瑟芬卽登車。命車夫速詣臺爾堡。既至。傳事卒入報。烏特瓦

頗以爲奇。卽肅之入。約瑟芬乃舉。昨夕達耳摩盜圖未成。及今日吾與伊蘭赴其行舍事。觀縷告之。且曰。吾屢阻而彼弗聽也。非君莫能救矣。烏特瓦慨然曰。吾必拯若輩於厄。約瑟芬不及致謝。烏特瓦已出發令整隊。須臾有汽車數輛。停於營外。烏特瓦率衆登焉。馳赴達耳摩之行舍。風馳電掣而去。至行舍外之林而止。烏特瓦令衆圍屋。伏於樹後。不料爲其侍者所見也。時則吾仍舉銃以向若輩。偕伊蘭向門而退。及門吾立於鋼絲之席。更以手向後握門球。啓之。達耳摩之黨忽垂其手。吾舉銃欲發而遍身倏似爲針所刺。麻木竟不能動。銃亦自手墜地。蓋其人垂手之時已撥動電氣。啓閉機。機啓而電流卽動。遂由門球鋼席及於吾身。達耳摩卽於斯時躍執伊蘭之臂。吾欲趨救。雖力掙而手足不能稍移。誠酷刑也。於是達耳摩以巾塞伊蘭之口。使不能聲。更命侍者取潛水衣。盛三人合力爲伊蘭著之。伊蘭雖抗終不能敵。旣而若輩亦自取衣。盛而著。啓壁門。擁伊蘭入。吾此時已仆於地。俟伊蘭去後。始搖搖而起。蓋電力盡矣。蹣跚至壁門望之。又暈而倒。

吾更叙阿努爾矣。彼既得攝影。知達耳摩卽馬丁之喬裝。卽入密室裝束。飾稀疏之白髮於首。披之於肩。更飾長髯於口。貌頗怪特。徑赴達耳摩行舍。時則烏特瓦之卒。方潛伏行舍之樹後。一卒遙見一怪陋之人。狀如隱者。卽向其旁之卒。作一暗號。同起躡追。阿努爾方迤邐而前。已爲二卒所執。力辯無效。遂擁至烏特瓦之前。烏特瓦方指揮合圍。見之。厲聲問曰。爾何爲者。阿努爾知不能隱。卽自掀其飾口之長髯。以真面目示之。烏特瓦大驚。握其手曰。君爲阿努爾耶。伊蘭與哲梅生皆在此屋。吾正設法圍攻也。阿努爾聞言大駭。呼曰。其室中有一隧道。能達海濱。烏特瓦卽發令攻人。阿努爾前導。及門。覺其內杳無聲息。力破其扉。一擁而進。烏特瓦先入圖書室。見吾橫臥地板上。呼曰。華邇德在此。衆人極力掖吾起。阿努爾問吾曰。伊蘭何在。吾力弱不能啓口。但以手指壁。衆人已會吾意。卽趨壁而視。然不得其機關。乃撞以鎗柄。而壁門碎裂。隧道立現。烏特瓦阿努爾率衆奔入。直至隧道之外。不見人影。阿努爾立而偵視。見地有足印。循之而行。迄於沙灘。遙見海。

中有怪物。四似人。非人。泓向海波深處。此卽達耳摩及其二黨暨伊蘭也。如此奇異之裝。軍士見而疑之。將舉鎗向之。而擊阿努爾大呼曰。止。卽奔向鎗前曰。汝曹欲死伊蘭耶。烏特瓦愕然。而此四怪物者。瞬卽沈入海水中矣。

第十二章 破敵

伊蘭既入達耳摩之手。生死唯其所命。惟伊蘭玉貌綺年。久爲達耳摩所傾倒。殺之不忍。縱之。又不甘計。惟挾之去耳。遂同入海底。行至穹門內。達耳摩釋其所挾之浮標。使浮出水面。此爲彼之暗號。潛港邏卒見之。呼曰。首領來矣。達耳摩又在水中脫其鉛靴。餘人亦然。并爲伊蘭脫之。四人同時上浮。邏卒援之登岸。達耳摩脫盔於手。命餘人同入會所。卽親脫伊蘭之盔。伊蘭矐目四顧。問曰。此何地耶。港中人見爲女郎。皆大驚愕。達耳摩厲聲叱曰。勿論何地。不干汝事。又號於衆曰。此間已爲人發覺。速逃毋緩。卽歷述彼之所遭。衆皆切齒怒詈。而伊蘭則瑟縮屋隅。坐而聽之。繼見衆人狀至忙碌。有取來復鎗。分授衆人者。達耳摩亦取其一并取。

一彈囊。指伊蘭謂一人曰。守之。倘彼逃者。爾罪當死。言已而出。

阿努爾與烏特瓦木立海濱。有頃。阿努爾呼曰。吾知之矣。若輩下沈之處。必爲潛艇軍港。出入之路。吾料此秘密之港。必在石巖下。海底有路可通。急書一短訊。授烏特瓦曰。請遣人持此。詣總會。取吾潛艇。望遠鏡。來。烏特瓦閱之。蓋致其助手羅求者。略云。請於第三號密室。第十七號箱中。取潛艇望遠鏡。速交來伴攜回。烏特瓦卽命軍士乘騎持書往。而與阿努爾率衆同登高岸。籌畫攻破潛港之策。

先是烏特瓦在達耳摩行舍。瀕行。畀吾於軟榻。直至此時。吾之精神始回復。卽起立。搜其室中之物。見一巨箱。內藏潛水衣。盔及鉛靴。至夥。竊念若輩著此。而逃。吾人亦可著此。而追之。繼乃趨向隧道。徑達海濱。見烏特瓦及隱者。此時阿努爾作不識在焉。奔而就之。時則軍士已取潛艇望遠鏡。至分裝數匣。喬裝之。隱士不俟其前。卽迎而奪之於手。啓匣裝置。與尋常潛艇望遠鏡不同。蓋爲最新發明者。有一臂支。出成數折形。上有三稜光鏡。不僅窺見海底。卽海水側面亦可藉此而窺。

當裝置時。而吾已奔至。烏特瓦欣然曰。哲梅生無恙耶。吾喘息問曰。伊蘭安在。烏特瓦告以大略。吾曰。曷不追之。烏特瓦曰。彼入海底矣。吾急曰。達耳摩行舍中。有潛水衣。盍在。隱者大呼曰。此正吾輩所需。速往取之。烏特瓦卽派數卒偕吾往。僅數分鐘。吾已乘達耳摩之汽車。載衣盍至。而烏特瓦之快艇亦來。彼先命人召之也。烏特瓦命數卒在海濱。充斥堠之役。餘卒悉隨入艇。隱者與吾偕焉。艇向伊蘭下沈之處而行。航路作弧形。隱者則就其望遠鏡窺視。是時吾輩皆着潛水衣。惟未戴盍耳。旣而隱者舉手令船停駛。指鏡言曰。視之。烏特瓦就鏡而望。吾亦然。果見潛艇之舳。在海底石門內。烏特瓦問曰。吾輩將若之何。隱者毅然曰。卽當攻其不備。吾輩遂率衆戴盍於首。藏鏡衣中。自船舳而下。沈至海底。由石門入。依石前進。將近岸旁。忽聞彈聲一卒中彈而倒。蓋達耳摩入潛港後。恐吾輩來此。已爲之備。於石巖下。置炸彈數堆。而命其黨散布港旁。見有自海出者。卽以彈擲之。是時其黨見一人之盍。露於水面。乃擲以彈。但吾輩殊不因此而餒。仍猛進不已。而彈

擲如雨。或中。或否。吾輩冒彈行。近半月形之石巖。烏特瓦偕隱士先登。吾與衆卒從之。脫衣。盜持銃。與鬪。彈烟彌漫。山谷皆滿。

其時伊蘭在屋中聞彈聲。知援者至矣。伊蘭先曾乘間而逃。然未及門。已爲守者所捕。此時守者亦驚趨門而望。伊蘭遂乘其不覺。向之猛撲。奪其所執之銃。守者急掣手。銃擊之。伊蘭躍避。得不中。遂舉銃還擊。守者倒地而斃。伊蘭微震而門外。鎗聲愈厲。乃跨而出。達耳摩適於斯時。奔向潛艇。突起執之。伊蘭舉銃不及。竟爲所持。蓋達耳摩已爲吾輩戰敗。卽下令趨潛艇而逃。當黨人擁入潛艇時。忽見伊蘭奔出。因往捕耳。伊蘭竭力掙脫。取巖旁炸彈向之而擲。誤中其黨達耳摩。躍奔其前。於是伊蘭又爲所捕。隱士見之大呼。率衆急趨而進。

潛艇中人方候達耳摩登舟。見隱者率隊趨屋。知達耳摩爲其所阻。不能飛越。卽閉艙門。徐徐沈下。達耳摩見狀。亦曳伊蘭入屋。比隱者追至。而屋門已鍵。達耳摩以伊蘭趨屋隅。啓其地板之秘門。以鎗迫伊蘭拾級而下。伊蘭不敢抗。竟從之行。

秘門甫閉。隱者率衆破扉入。見伊蘭已杳。大呼曰。天乎。伊蘭被劫去矣。而室中又無門可出。乃謂衆曰。其以鎗柄觸壁及地板。或有暗門也。衆從其言。久之。始知地板有暗門。在急啓之。隱士先脫潛水衣。躍身入穴。吾與烏特瓦率兵從其後。

達耳摩迫令伊蘭行隧道中。至一向上之石級。拾級而升。愈升愈高。從海峽之上。羣峯之中。而出。復至茅舍。叱伊蘭入。伊蘭不得已從之。彼乃縛其手足。塞其口。閉門而出。蓋以爲潛艇雖行。必在海中待之。擬至海濱。覓小舟潛渡。行至山腰。遙見海濱有一船埠。建築未竣。旁有一車。與火車站所用之搖車相似。蓋運木樁及他種材料者。方自所設之輕便鐵路。由船埠駛向海濱。少遠有汽船焉。車至船旁。卽止。達耳摩立而遠矚。陡見汽船不覺自語曰。倘此船爲吾所得。可挈伊蘭赴潛艇矣。忽見一工人立於未成之埠。舉手指車中人見之。遂駛回經埠向海濱之斜坡。達耳摩移目隨車而視。車至斜坡稍停。有人聯索於車。車遂上行。異而望之。則坡頂有一機關力引繩索。使車上向而坡頂復有木料一堆。車達坡頂卽止。適當。

放。工。午。食。之。時。工。人。皆。就。食。司。機。者。亦。以。斧。斫。柴。藉。以。引。火。偶。矚。海。中。見。有。巨。物。自。水。中。出。不。覺。停。斧。而。觀。實。卽。半。沈。之。潛。艇。也。而。達。耳。摩。已。躡。足。至。其。後。遙。睹。潛。艇。恨。不。能。飛。行。而。往。蓋。吾。輩。已。追。蹙。至。矣。

先是吾輩行至隧道外。隱者見石級上有二人足跡。循之而登。遙望有一茅屋。以爲此必達耳摩之巢穴。急趨之。繼見達耳摩由茅屋出自山而下。遂驟步以追。而達耳摩已至斜坡之頂。貨車之旁。吾輩且追且呼。山跌之軍士亦聞聲上山兜捕。達耳摩見吾輩前後夾攻。無術可遁。而吾輩又愈趨愈近。陡生一計。卽向司機者猛撲。奪其手中之斧。吾輩適於此時發鎗一排。不但不能中彼。彼且乘司機者聞聲驚顧時。奪其斧。躍身入車。斧斷牽車之索。車卽順坡直下。始猶緩行。瞬卽疾如飛。馬合圍之軍士有適當車道者。以車行銳不可當。惟有躍避。吾輩雖自後狂追。終不敵車行之迅。車至船埠。達耳摩急躍下。投身於海。伸首水外。而呼。蓋見潛艇之望遠鏡相距僅數碼也。潛艇亦轉舵就之。殆已望見之矣。達耳摩卽向艇而泅。

軍士播準發鎗終不能及。無何潛艇艙口露出海面。達耳摩得船中人之援手。竟安入艇中。

吾與烏特瓦見達耳摩已逸。功敗垂成。懊喪欲絕。而隱者獨否。卽顧烏特瓦問曰。此時幾句鐘矣。烏特瓦曰。甫逾午耳。隱者曰。以時度之。褒恆西方裝置克雷所製之魚雷。君與哲梅生可速赴臺爾堡。令彼載入飛艇來也。吾聞言而驚。以爲克雷之魚雷猶在。則克雷之蹤迹匪遙。方欲問之。而彼力促吾行。吾亦以事急不能復問。遂偕烏特瓦乘汽車疾赴臺爾堡。見褒恆西方裝置魚雷於航空之魚雷艇。吾等急告之。烏特瓦復以車返。褒恆西令吾同乘飛艇中。迨飛過海港時。而潛艇之望遠鏡已在。望吾輩恐潛艇下沈。則克雷之利器亦歸無用。乃疾駛而前。實則此時潛艇之航路適當沙埂。下沈不得也。吾更從遠鏡中觀之。謂褒恆西曰。速前折而左。褒恆西已於浪花開處見潛艇遠鏡之影。急應曰。吾亦見之。君速準備魚雷。如吾言而發。時則潛艇已行過沙埂。且似已見吾輩。方徐徐下沈。褒恆西大呼曰。

縱之。吾乃急發魚雷。自艇中之發。射管出魚雷入海。既沈復起。直向潛艇。其疾如矢。潛艇雖見之。然轉舵不及。訇然一聲。波浪突起。如柱。潛艇之舫已爲魚雷所中。海水入艇。其勢至猛。艇中人惶駭無措。有冒死以物塞穴者。然亦無濟而紛亂益甚。達耳摩狀。獨鎮靜知大事已去。急取片紙作絕命書曰。馬丁爲克雷所敗。力竭死矣。敢告吾皇。書畢。緘入一筒。筒質甚輕。入海不沈。以冀隨波而流。或達彼國。斯時艇中海水幾滿。達耳摩奮其最後之力。投諸艇外。須臾全艇沈矣。達耳摩亦與之俱殉。吾與褒恆西在飛艇見之。知巨慙已除。快慰無已。

當吾乘飛艇來時。喬裝隱者之阿努爾。方趨向山巔。時時回顧。以望潛艇之遠。鏡比飛艇。至停步而望。繼又前進。倏聞巨聲發於海上。卽凝目視海。知膚功已奏。不覺佇立。欣慰之情。匪言可喻。少頃卽奔赴茅屋。推門入。則伊蘭被縛。橫臥於地。急割所縛之索。取其口中之塞。而彼之長髯乃不期而墜。伊蘭驚視。既非隱者。亦非阿努爾。實克雷也不覺驚呼曰。汝耶。克雷緊握伊蘭之手。默不一語。伊蘭喜極。幾

知。所。答。但。凝。視。伊。蘭。之。面。曰。然。吾。功。成。矣。
暈。微。笑。曰。吾。知。之。矣。汝。固。常。在。左。右。日。以。保。護。吾。與。華。邇。德。爲。事。也。克。雷。樂。極。不。